

高安縣志

高安縣志卷之十九

閩範

元

蕭節婦楊玲之母年二十夫死玲方四歲家貧甚蕭貞淑勤儉事姑有禮教子有方正家有則鄉族無不稱賢年八十八壽終其子婦復能孝養後裔亦甚蕃昌

高烈婦張立試之妻遭紅巾土寇羅統志掠去罵不絕口至風源廖家井投入身死洵女中之貞烈者

胡節婦叢桂坊敖智之母年二十九夫卒胡撫智成立守身貞潔治家勤儉養舅姑盡道事聞旌表其門太守喬達改所居里曰旌表坊僉憲張天翼復重新之

高安縣志

卷之十九

閩範

一

明

張節婦新豐一鄉東溪劉啟一之妻年二十啟死子趙孫方乳誓不再適紡績營生以事翁姑撫子成立堅持五十餘年洪武間有司以聞詔旌

塗節婦宣政鄉塗克禮之女適上高沈元輔元至正間輔爲歐祥兵所殺時塗年二十五亂離中勤劬困苦三十餘年撫孤全節明初邑宰崔世安以聞詔旌

郃節婦名慕貞施坊蕭渭之妻年二十夫亡無嗣誓死守節女紅餬口久之有餘粟值歲歉輸官賑貸正統間巡撫侍郎趙公新上其事詔旌節義之門

陳烈女名若英赤土陳與學之女年十三許字嘉興知府

靖安舒敬之子連旣笄將歸連以病卒若英聞訃潛入寢室縊焉姑章氏歸其柩合連塋于靖安之白粉山有司以聞景泰三年詔旌曰貞節

文節婦來蘇劉啟常之妻年二十啟死子孟在襁褓家甚貧紡績以奉翁姑斷髮嚙指誓無二志孀居四十餘年卒宏治間郡縣兩請旌表

彭節婦錦水坊况志經之妻年二十四經死遺孤文憲僅週歲彭堅志守貞孝事舅姑撫孤成立壽七十三卒正德間詳請詔旌

徐節婦諸生張祥之妻祥死徐年甫二十遺腹一子名應喜徐紡績食貧教子成立能文府縣匾旌

高安縣志

卷之十九

閩範

二

况節婦一都劉恩之妻夫喪守節正德間提學道核實行縣旌之

胡烈婦斜溪熊武六之妻正德五年華林賊寇其家胡被執驅之行胡曰此我家也甯死此賊微斫其脛胡厲聲曰不爾從便當殺我何但斫脛耶賊悅其美強舁之行半里罵不絕口賊知終不可奪剖其腹而去

熊烈女名貴貞賽口熊奇雅之女年十八正德五年六月華林賊經其居女奔投河賊遙見其美追至水中執之女乃捽賊髮滾入深潭一賊來援併拽其裾溺焉越三日三尸浮江而下執賊衣髮尙未釋手以一女而殺二賊豈特一死之烈哉事聞受旌

蕭烈婦新溪胡榮一之妻有殊色年二十七已孀居三年
正德五年二月爲華林賊所執賊令徒眾擁之上馬輒
自墜數擁上數墜罵不絕口賊怒斬爲數段

江烈婦太平門傅經之妻華林賊寇城被獲死之事聞府
縣給匾旌之額曰節凜冰霜

殷烈婦名妙慶太平門黎玉亮之妻石屏州學正勤之女
孀居十載正德五年六月華林賊寇府被執挾之以刃
竟不屈繫至城隍廟前石磯上乃頓足罵賊投身于河
賊怒以鎗槩其胸臂而死

廖烈婦名足貞雲岡况夔之妻正德間華林賊寇其家廖
爲所執迫之行不從賊削其鼻砍其額而死

高安縣志

卷之十九

閩範

三

胡烈婦坡山朱應恢之妻龍口胡祉之女年十九喪夫撫
遺腹子三十七年無玷正德間華林賊經其居走匿園
中爲所執罵曰我守四十年老寡婦也賊奴敢爾耶賊
怒斬首分身而去

熊烈婦下游聞壯之妻正德間爲華林賊所掠投井而死
知府鄺璠上聞詔旌其門

黃烈婦王恪妻值華林寇變同夫渡河恪遇賊將槩黃以
身冒刃而死恪得免兩院旌其節爲立貞烈坊

熊烈婦社山朱丑四之妻丑患瘋疾家貧甚熊紡績度活
正德五年七月爲華林賊所執脅之行二三里賊以甘
言誘之熊厲聲曰甯死守我病夫不汝從也賊殺之投

許港塘中

梁烈婦名雁貞港西朱治一之妻城南梁濂之女正德五年十一月爲華林賊所執再三求死賊喜其少艾衛護甚至擁之行數里棄其子而罵不絕口自倒淖泥中強扶之不起賊怒殺之

幸烈婦陵上黃曖之妻有姿色避華林賊居城中正德六年六月賊寇府爲所執大罵不從賊憐其色不忍害繫至菱塘邊委曲勸之仍罵不已忽躍入塘中賊怒甚連砍數刃而死

以上胡氏至此俱死寇烈婦從祀竇貞烈祠中者

周節婦務農鄉陳與昌幼子錦之妻年二十守節正德九年事聞詔旌勒碑豎坊

高安縣志

卷之十九

閩範

四

鄧節婦陳正道之妻年二十居孀子爵甫四齡姑憐其子幼而寡欲令他適鄧矢志堅守勤儉持家孝敬翁姑始終無一疵議嘉靖四年府縣詳請詔旌

宋節婦荷山舉人陳禧之妻年二十三禧以宏治壬戌未第歸卒於途子汝捷甫生五月宋矢志守節姑謝氏亦寡居宋奉侍敬謹姑每嘆曰賢媳固節婦亦孝婦也嘉靖壬辰巡按御史奏上其事詔旌貞婦之門

鍾節婦錦水坊况伯珙之妻嘉靖十二年珙卒鍾年方二十遺腹生一子家貧甚勵志冰操訓子成立按臺燕旌其閭

劉節婦來蘇劉官之女傅孟春之母也年十八適傅舜甫四年而舜故生春僅半歲夫死之日哀痛萬狀誓以身殉昏仆不食者數日春呱呱待哺幾絕乳飲姑憐春伶仃釋弱諭之節哀撫孤存祀劉乃豁然自是勉強寬釋閤門辟纊養親育子艱苦備嘗春長嚴課讀書守節三十餘年年五十七而卒嘉靖乙丑春登進士疏聞于朝旌其門

朱節婦名淑貞楓嶺庠生黃榜先之妻年二十生子雲龍榜卒翁姑憐其少令他適朱碎碗爲誓自甘貧苦守節後雲龍補邑庠嘉靖間御史秦公題旌

吳節婦名懌貞吳文端公之女也隨母黃夫人于宦邸納

高安縣志

卷之十九

閨範

五

傅應東聘年十六東入京贅焉未及朞而應東故痛哭觸棺幾死復甦朝夕哀奠不置百端開諭莫能解釋惟求扶棺南還夫人曰汝家一寡姑兒去何依貞婦曰姑寡子亡兒不歸奉又將何依兒所不死者爲姑在耳不然何以生爲兄輩陰令買舟俟夜半悄然舁棺而去貞婦夢覺蓬頭痛哭奔逐扶柩以歸時文端入直走報入朝往詰之曰閨中之女豈宜輕出數千里程途豈宜獨往今不三思恐貽後悔貞婦曰生爲傅婦死爲傅鬼實甘心焉文端公知其志堅命子一恂伴歸抵瑞城過家門不入扶襯直抵夫家以早見姑一日得奉侍帟帷聊慰良人于地下文端歸爲之擇繼二子撫其子養其姑

孝養備至而姑以壽終食荼茹蘖三十年按臺疏請詔以天付完節旌之

易烈女名妹貞西南廂易濱之女高州知府輓之孫也年十一許字四川叅議楊潤曾孫儀賓漳之次男名鏗者爲配未于歸而鏗故女聞訃痛絕墜樓傷足旣蘇遂不事粧飾誓不再天泣請父母歸楊守節父母以楊未親迎爲辭女曰從一而終焉知其他語報訃婢曰我去汝家當如此江水決不復歸矣遂以平日所積華綺付諸姊妹自寫詩柬寄姑福安縣主白其過門之意有單騎難兩轡一女豈雙郎之句姑拒之再三益慷慨求絕父母開諭竟莫能移復使人達之縣主必欲致命遂志縣

主爲白于漳遣家嫗往迎女衣麻徒步登舟縣主以宗藩懿親不可苟簡備儀從迎之女憤痛夫死不從古禮強之乃乘竹兜子以入至則拜鏗神主行合巹禮畢謁舅姑次日自寫祭文具奠首觸夫棺死復甦者數四自是朝夕奠必哀哭舅姑恐其自殞令從婢防伴越數日女乃絞線爲自盡計從婢覺救縣主慰而守之越數日防伴稍懈托燒夜香卽柩前縊焉時乙未四月三日也年甫十八旣死縣主探衣篋內得思夫詩四首夢夫詩一首中有夢覺無踪影寒燈一點紅之句當鏗未死前數夕女夢鏗送一盒至啟視之有花數朶皆已脫落有餅數枚又皆半邊私心知其不祥無何而鏗訃聞女曰

不祥先兆吾夢吾將疇依蓋從死之計自是決矣郡邑
督學聞之朝奉旨賜祭詔瑞州南昌兩府暨坊以旌之
其鄉有連理樹與貞女同生本府同知鍾公千有傳巡
按段公顧言觀風致祭有詩載藝文

朱節婦名多貞龍山庠生吳一鶚之妻年十九撫孤守節
及孤歿復撫孫夢說夢韓成名奉旨旌以坤儀正氣

金節婦藍坊藍秋之妻秋早喪柏舟自矢終身無間言隆

慶間奉旨旌表

單烈婦一都劉良鑛之妻鑛力學屢試弗售遂鬱而成疾
僅一女因囑單曰汝年少我死合適人毋致自苦單泣
對曰是何言也君去吾當從君于九原矣鑛死殯後乃

高安縣志

卷之十九 閩範

七

以其女托族劉立隆爲之撫遂號泣數日絕粒而死

况節婦名遠貞龍山吳文棖之妻也夫死守節凜若冰霜

至老無一疵議萬曆十年奉旨旌表

吳節婦名夢貞城南廖啟通之妻年十七適啟不數月而

啟卒翁姑憐其少微諭他適吳跪泣曰有遺腹在何忍

棄之守節始終惟一按院任具題賜坊旌表其門

劉節婦社山庠生朱家紀之妻太僕吾弼之媳年二十四

家紀卒遺三子惺敬慊敬悰敬俱幼劉矢志撫孤太僕

憐之後三子皆賴成立惺敬爲府庠生傳子四劉年五

十二卒

周節婦名鏡貞上坊廖希中之妻年十八夫亡守節白首

無間言按院題請奉旨豎貞節坊

晏節婦名祥貞北東廂胡曜之妻曜早卒子仕貴方在襁
裸堅志守節紡績聊生孝事舅姑撫孤兒成立萬曆二
十七年按院馮題旌

熊節婦名常貞大路楊繼隆之妻年十五適楊十八歲夫
死子士宗僅半月熊堅志守節自甘貧苦者三十三年
萬曆壬寅府縣題旌

謝節婦名愛貞淶江黃邦彥之母年二十四孀居撫彥成
名兩中乙榜萬曆三十七年題旌貞節

唐節婦名翠貞龍山吳夢翔之妻歸吳僅二年夫亡無一
脉可倚撫伯兒以續宗祊勤紡績以供饘粥節搯始終

高安縣志

卷之十九

閩範

八

如一輿論稱之萬曆間按院顧題旌

張節婦名毓貞城南仁濟坊徐天賜之妻年二十孀居竭
力以事翁姑養生送死一如夫存撫孤成立克稱完節
萬曆四十三年按院韓題旌

熊孝婦名僖貞陳信之妻萬曆四十六年六月姑雷氏病
膈幾危熊割股以進姑病立痊族隣公舉孝婦屢經府
縣驗實冊呈按院知府陶履中免其雜差匾其門曰孝
行可風屢給絹穀崇正元年仍申按院劉候題

傅節婦獨城王一鶚之母年十五適王爲繼室未二十歲
而夫先翁卒家貧無棺懇翁棺以殮旋脫簪珥以報且
能曲承堂上歡處叔季及前室三子又皆恩禮周至夫

先有妾亦善待之鄉族稱其賢後子一鶚登進士官侍御皆貞節之報也

吳節婦名錦貞丁坊丁應治之妻年十八守節萬曆己未署府事同知王邦俊旌表坤儀勁節

張節婦名京貞社山庠生朱繼亨之妻亨歿張觸棺矢節祝髮堅心撫穉孤以養二老天啟元年按院陳題旌傅節婦名玉貞溪上梁鉞之妻年十五歸梁十六生子淑十九歲鉞會城應試歸感冒風雨遂得疾殞次子濟以遺腹生矢志撫孤誓死不二每悼夫死痛哭悲切侍奉舅姑孝養備至享壽八十四歲卒天啟二年按院張題旌其門曰完節維風

高安縣志

卷之十九

閩範

九

吳節婦東粵文昌令劉謙之妻本郡廩生劉忠之嫡母謙死忠僅五歲吳與忠生母陳氏孀居撫忠始終如一時有仇宗懷醜將不利于孺子者二氏傾囊調劑之俾得成立以承先祧餼鬻宮者皆二貞之力也吳終年七十陳終年八十餘世稱雙節

朱節婦名相貞蕭蓮之妻年二十生子曰鳴鳳夫死堅志守節凜若冰霜厥後課子成立天啟四年按院謝題旌羅節婦北城妙高坊吳一庾之妻年二十五孀居家貧紡績度活苦撫穉孤里族誦賢

廖節婦名嬌貞龍山吳夢調之妻年十九夫亡遺腹生子以顯苦志守節事二老克盡孝敬撫孤兒課以義方鄉

族咸頌淑節壽八十一終崇正五年按院葉題旌

盛節婦熊時堯之妻年二十守節誓死不二食貧養姑撫子五十載人無間言天啟七年知府陶履中上其事按院曹谷題旌

何節婦幸立泰之妻年二十生子鳴甲甫月餘夫死守節事繼姑朱氏最孝時有勸其再醮者何正色叱去終志不易課子補邑庠生卒年六十

吳節婦一都劉載蓴之妻孝子一葵之母也年二十而寡守子一葵成立吳病一葵割股乃瘳後葵死妻朱氏亦不嫁是姑是婦一門之內節孝重光皆年逾八十而卒府縣旌之

高安縣志

卷之十九

閩範

十

沈節婦名祥英長沙舖范世岐之妻年二十五而岐死或勸其他適沈乃破鏡爲誓嘗于戶牖書柏舟詩以自勵撫親姪仲謀爲子寡居四十餘年而卒囑仲謀以所破鏡殉葬鄉里稱之

鍾節婦名桂貞龍池都掾胡楷之妻年二十一生子宗大甫半歲而楷死矢志守節事寡姑撫孤子孝慈兩盡壽七十一卒

劉節婦名引貞朝天坊楊大叅潤之曾孫一棠之妻儒士儁臣之母也年十九夫死守節玉潔冰清崇正七年署縣事本府同知楊大名申詳督學給匾旌獎

范節婦名細貞仁濟坊省祭徐上選之妻癸卯舉人徐佐

之祖母年十九生男日章日省選早逝范矢志撫二孤
後長男日章夫婦繼殞又撫孤孫哺食代乳艱苦備嘗
壽六十二終院司道府給匾旌獎厥後嗣續蕃昌書香
不絕夫非苦節之流澤歟

金節婦一都庠生劉心之妻年二十七止生一女心卒金
誓不改醮事翁姑克盡孝道後女適府庠生熊兆男崇
正十二年邑令蔡詳請按院徐公給匾旌表

吳節婦北城生員袁如宏之母早孀課子以義歲壬午穀
價騰湧漕運愆期邑令蔡檄士民急公吳慨捐穀二百
石助納不領值蔡令額以慕義女丈夫旌之 國初缺
餉復事捐助毘陵呂太師贈聯有鶴髮百年慶晚節鳳

高安縣志

卷之十九

閩範

十一

毛五彩麗春文之句

盧節婦西南廂毛文光之妻年十八生子一漢僅三歲光
病盧禱以身代及光死子幼親族多欺之者盧哭于光
之靈誓撫子以存宗祀後家業凋零志不爲易卒年七
十有二孫紹榮年三十歿孫媳李氏亦以節終

袁節婦名金貞城南上坊李惟魁之妻年二十五夫故守
節治家有方享年八十有三崇正間府縣給匾旌獎
吳節婦桂林鄒守忠妻忠死遺孤貧無立錐吳十指營生
上事翁姑子長客外死茹苦無怨里人哀之

姚節婦名繼貞丁坊丁良挺之妻年十九孀居守節終身
萬厯署府事同知孫良學旌曰柏舟貞節

劉節婦名明貞叢桂坊羅仁妻年二十夫卒子璜二歲歿折劉矢志不嫁紡績勤苦知縣余旌額曰貞孝流芳鄧節婦溪上梁楷妻進士鄧良芝姪女年十八楷商粵卒子博半歲鄧茹荼撫子負旅櫬歸葬卒年八十江節婦名鳳貞陳家湖胡國定妻年二十一夫死家徒四壁二子一女俱幼江女紅營生堅志撫孤婚嫁合禮事翁姑克盡孝養莫不稱賢壽七十歲卒黃節婦名美貞陰岡墟王怡之妻年十七歸怡怡性豪邁不事生業一日得奇疾輾轉床第數年黃爲拮据蓐食以待終弗言瘁怡卒黃年僅二十餘仰事俯育孝慈兼盡孫尙卿登丙戌賢書

高安縣志

卷之十九

閩範

十二

劉節婦名層貞藍坊藍基之妻年二十四夫死守節雅慕讀書早年延師課子未遂晚復課孫啟新補弟子員傅烈婦惠州通判陳良驂之妻累封宜人有殊色避兵于荷峯絕頂兵搽山挾之上馬三挾而三墜乃溫語誘之竟不可屈遂怒刃之藍烈女名學貞庠生藍友黃之閨媛也年及笄避兵于建口嶺遇兵劫之上馬女誑曰有金釧瘞沙中遍尋近水深處奮身投之兵拽起刺死棄屍于河

喻烈婦庠生凌于鳳之妻鳳清貧勤學試輒前矛氏力女紅以佐膏火崇正癸未冬夫婦被兵執氏義不受辱憤罵無已觸兵怒刃之並殺于鳳合邑聞者莫不傷悼

陳烈婦名清貞上坊廖京之妻荷山庠生陳良謀之女同夫避兵中岡胡姓被執不從投水身死京赴援之亦被鎗傷越旬身死合葬于二十四都喻婆山

范烈婦名敬貞一都連山劉大紹之妻孝廉范應旂之姪女也同旂避兵豐城兵至投塘死時年十九歲

羅烈婦名菊貞灰埠羅長之女適袁維墉爲兵所獲行值大井遂跳入死之

鄒烈婦菴前劉定先之妻襁褓一子與姑徐氏偕姻母陳門徐氏鄰嫗武婦同舟避兵泊艤口時十一月十五大雪兵掠小舟從上流至勢漸迫鄒恐辱同姑挽手跳溺徐與武亦同死凡九人

高安縣志

卷之十九

閩範

十三

黃烈婦黃岡嶺胡南妻夫挈之逃兵追急南倖脫黃抱一女臥淺水泥沙而死

何烈婦名仁貞三十二都楊林涂士春之妻兵掠之行義不受辱過井旁索水飲投井死之

汪烈婦名雨貞曦嶺下人五里謔會桂之妻生子友遠在襁褓聞左兵將至誓以必死桂曰其如子幼何汪曰我必善全之君無憂也一日兵至汪抱子從後門出走夫婦相失兵退覓妻不見偶過煤井聞嬰兒聲下視之則汪已死矣端然而坐面色猶生兒竟在懷無恙後得成立

王烈婦珠湖傅賚瑚之妻崇正癸未爲兵獲跳入厠坑兵

取而濯之炙以火王躍入烈燄自焚而死

葉烈婦吳郁之妻胡氏吳懷之妻俱西南廂人並少艾避兵于鄉遭兵所獲不爲污辱相繼投入塘中而死

田烈婦傅遷之妻避兵獨城兵至偕婢投厠中兵拽起濯之見其美欲狎之不就又一兵至挾之堅不從兵怒斷其臂復亂刃刺之而死

以上傅氏至此俱癸未死于左兵者

國朝

陳烈婦名旭貞赤土之女高郵市庠生諶日昇之妻順治戊子金逆之變七月初一大兵掠境獲陳挾之上馬不從以首觸地罵聲不絕體中八刃剖心斷頸剔孕而死

高安縣志

卷之十九

閩範

十四

鄧烈女名橘貞四十三都鄧應鉉之女許字赤土陳國張年十六兵掠之上馬女給以渴下馬飲水遂投水死焉唐烈婦名葵貞高郵市諶粲之妻兵挾之不從槩死

劉烈婦名積貞一都劉證化之女四十四都清洲李恒日妻順治戊子年二十歲金兵潰亂氏攜一子七歲曰琬同李喜妻楊氏廣貞帶一及笄女轉貞同舡避兵于鱖魚洲下數卒于上游掠舡追及三女厲聲憤罵推一卒落水眾卒聞集二婦各携子女抱結投江而死琬流三里許不沉爲人所救次日三屍浮水面色如生往往于風雨淒肅之夜悲號江上聞者惻然楊氏者義門楊漢之女年二十七轉貞年方十四已字石橋徐此兩節一

烈芳垂千古所當合傳而紀之者也

譚氏赤土庠生陳陞章之妻新建孝廉譚守中之女也善事翁姑嚴課兒孫值丁亥奇荒周濟里中飢餒者甚多四子俱入庠壽六十四終

劉節婦名貴貞翔鳳坊陳溥彥之妻年二十夫死守節竭力奉姑堅心撫子宗黨以賢稱之崇正十四年院道題旌迄順治四年屢奉院道府縣給匾獎賞賜以絹穀年八十卒

胡節婦名月貞四十二都陳汝荆之妻居仙桂坊年二十四喪夫家貧如洗清苦自甘生子鐸及一女俱幼胡啜粥以勤女紅夜以繼日教子讀書婚配鐸亦夭折復撫

高安縣志

卷之十九

閩範

十五

二孫成立年逾六十人無間言

黃節婦名香貞翔鳳坊陳光棟之妻前節婦劉氏貴貞之媳年二十九夫死子幼家貧姑老黃勤于紡績以供甘旨仰事俯育孝慈兩盡壽七十七終

胡節婦名金貞上坊周汝器之妻庠生學易之祖母也年二十五夫死二子俱幼胡閤門紡績撫二孤婚教成立上侍二姑孝養備至諸孫十餘皆胡提抱孀居五十餘載無一間言前朝兩旌節孝

傅節婦一都庠生劉九鼎之妻年二十七而寡堅志守節撫子連珽皆成立羣以淑善稱之

劉節婦名救貞山前庠生黃彪之妻年二十彪死僅有一

女饘粥之需皆出女紅勵志清操年六十而卒

余節婦名秀貞豐城余邦苑之女溪上庠生梁倚雲之妻年二十四孀居艱苦備嘗冰霜凜節事姑教子各盡其道邑里鄉族賡揚淑德署府事軍廳蔣允修序其行知縣張文旦給帖獎賞有松筠矢志冰蘖爲操竭力事暮姑克全婦道義方訓幼子無愧母儀之褒匾其閭曰節孝維風

陳節婦名桂貞淮安人縣下塗登俊之妾年十九爲俊所納次妾秀春生子璲在襁後死嫡妻繼亡秀亦改醮陳獨守節撫秀子爲己子教讀婚娶不辭勞苦者二十餘年後祀賴以不絕實陳力也是又節婦中之足以勵俗

高安縣志

卷之十九

閩範

十六

者

吳節婦一都庠生劉九如之妻夫死子珣僅週歲吳誓不改醮撫子成立清操勁節人無間言

朱節婦明甯藩石城王府奉國中尉統鏗之女適三十都荆田羅懋瓊寄籍新建縣學庠生瓊死子幼耐貧自守撫子憲濬成立誓不再醮清操勁節輿論稱之

吳節婦名尖貞一都白沙敖以達之妻南城禮義坊吳一倬之女也夫早逝吳耐貧孀守撫二子夢棟夢桂俱成立仰事俯育兩盡其道郡丞蔣公允修賜以貞節遐齡額旌之年九十有四

朱孝婦明甯藩石城王孫輔國中尉謀境之女習詩書柔

順克孝適邑中孝廉劉九嶷崇正甲申嶷聞三月十九之變赴蓮池不死絕食不死朱勸曰子未官可不死且有父母在毋甯隱諸嶷曰隱士可爲孝子乎曰隱婦可以佐孝子于是竭力贊夫奉侍色養凡三十年父母壽終廣孝恩爲三十六月之服喪畢將祔廟朱曰吾事釋矣明日宰牲治饌延諸執事夜半出主展祭于人堂朱詣主婦位執醑進炙拜興如禮家人徹饌未竟婦已祭服端坐逝矣神色不變見者駭異時年五十七

朱孝婦南昌儀賓程宗曾之妻丙戌舉人程國瑞之母氏出建安王府奉國將軍之女性明敏最孝事姑割股以瘳其病瑞以戊子金逆之亂流寓至筠南城買宅遂入

高安縣志

卷之十九

閩範

十七

編籍居焉適巡方使者至筠地方耆老以聞遂膺院司褒獎年七十七卒

節孝王氏懿貞朝天坊程煒之妻廩生王國棟之女年二十孀居斷髮守節茹荼自苦姑病割股孝養甚摯撫襁裸子至成立婚娶玉潔冰清邑令給匾旌之

吳節婦名婢貞丁坊丁士達之妻南城禮義坊貢士吳夢旦之女年十六夫亡守節撫遺孤克勤克儉事姑孝課子嚴子領丁西鄉薦人皆以爲節孝之報

黃孝婦埠頭庠生楊準妻準死黃年二十四家貧子幼氏孝養耄姑嘗病不能起割股以進監察御史張公給匾旌其孝太守戴公又以壺孝格天獎之

譚孝婦赤土陳宗芝妻芝妹琮貞姑嫂同以孝稱芝客金陵歲十二月二十七日芝母病不能起二女同心懇祝元旦譚先登樓剖股爇藥琮亦于床背剖股和肉以進母俱飲之熟睡汗出而愈

游節婦名佛貞三山藩掾省祭李春秀之妻夫早逝氏甘淡泊矢志守節課子勤家至晚年更廣行陰鷲每見貧苦顛連者必周濟焉鄉里德之賢貞並著

楊節婦名晴貞三都陸勝學妻勝學客死粵東楊年二十七歲子仕傑方在抱楊誓以養姑撫子自任傑長娶劉氏劉氏年二十八而傑歿孀姑寡媳相依三十餘年劉後楊六年而卒太守施公廷翰以松筠合節旌之

高安縣志

卷之十九

閩範

十八

何節婦名正英伍橋郡學增生何乘龍女適蕭坊蕭士凱凱業儒早逝氏年二十二子甫兩歲孝事繼姑紡績之暇挑燈課子子江補邑庠生鄉里賢之上高潘太史有傳卒年五十六歲邑令聶聞其事而旌之

黃節婦上坊廖世生妻夫歿年十九遺孤未離襁褓舅姑年俱衰邁黃克承夫志竭力奉養值丙丁奇荒惟茹苦吞辛仰事俯育幾忘歲歉守節五十年一日語人曰吾將以吾事報良人於地下矣翼日而卒

朱貞女朱文端之長女陳夫人所出也性孝端莊靜淑不喜鉛華飾酷嗜讀書凡經史性理靡弗研究尤熟于小戴記陳夫人卒貞女哀毀骨立憫弟妹失恃撫之如母

課之如師不少懈許字建昌大司成李公鳳翥長男家駒駒登辛卯賢書以暴疾卒訃至貞女急欲奔喪家人難之貞女遂絕粒三日文端審其志已決許之行貞女請曰兒今以素服行登舟持服可乎文端大息曰若嫻于禮可毋吾問也抵李門舉家哀迎貞女舉止從容謁祖姑舅姑如儀退就喪次一慟幾絕廟見後執婦禮甚恭逮事兩世姑嫜飲食起居一準內則李家尙節儉貞女安之每伴往則曰語我家大人兒無煩罣慮百年瞬息未亡人待盡而已李太夫人疾甚貞女躬侍湯藥衣不解帶者三月比卒李公郵文端書曰吾羈於官所恃代吾養以全吾孝者冢婦之力也薦紳士大夫欲以貞

高安縣志

卷之十九

閩範

十九

允旌表

高宗皇帝在藩邸嘉其事作詩以表之

侯貞女名救貞四十三都伏塘人監生侯以顯女年十三許字新建胡和和父素商于粵遺妻在家爲和聘于侯而歿和遂就父所生理將歸娶而身天訃聞適遭貞父之喪母女孀居篝燈夜緝以奉厥祖二弟俱年幼貞代母勞者十餘年母歿貞不改初心比貞年五十縣令劉承蒲聞而獎以匾及絹

壽婦黃氏焦遇春妻壽百歲康熙四十五年具題建百歲坊於拱辰門內額曰貞壽之門

通志

劉節婦名靜貞施州衛守備劉達權之女郡學增廣生五里謀友階之妻年十八歸謀紡績助讀日夜辛勤未幾夫以力學致疾而卒氏年二十四越一月遺腹生子矢志柏舟上事二老下撫藐孤食貧督課備歷諸艱子長遊泮以繼夫志孝慈兼盡賢淑之聲溢于隣里邑令聶廉其事實請旌表 勅建清標彤管坊

徐烈婦名珍秀仁濟坊舉人徐佐女自幼知書通曉大義在室以孝聞年十六適二都溪上梁聲先結褵三載夫病朝夕侍湯藥衣不解帶夫亡毀不欲生因懷妊忍死

高安縣志

卷之十九

閩範

二十

冀延夫嗣越兩月誕一女乳哺三歲而自經經時遍體自爲殯殮上下密縫郡邑兩庠公呈其實邑令鍾成鼎郡伯李公如喬備極褒嘉轉申督學高公璜匾旌節烈之門

鄧節婦劉顯誇之妻年十七夫歿育遺腹子備歷艱辛冰霜自矢事姑極孝教子極勤年八十八孫郡庠弈昌妻胡氏亦年十八而寡苦志養姑劬勞教子矢志靡他數十年如一日乾隆十一年學憲金公匾旌曰柏節雙豎梁節婦名稍貞銅湖文學梁之樓姊適赤土陳大叅曾孫爭榮之子永上年十九夫死遺腹生一子繼而爭榮夫婦死永上之二兄相繼而亡且皆無嗣梁以一婦撫一

子爭榮賴以不殄于祀梁之節有以延之也

諶節婦名英貞鈞山生員劉泗清之妻年十七歸劉事孀姑極孝以紡績佐夫讀夫病危朝夕祈禱請以身代及歿絕食誓與同歸因念姑老子幼始勉強就食越數年而子亦歿繼堂姪以承宗祧乾隆十六年族隣公呈節孝事實府縣詳請題旌

陳節婦名桃貞市上邑庠胡宏濤之妻寒溪陳景興之女也事翁姑甚得歡心翁姑歿夫欲徙業氏泣勸曰父母教讀所望甚大一旦餒志兩尊人將抱憾于九原夫感其言肆力于學遂得入彀濤卒氏年二十八歲守節四十餘年艱苦備嘗其志彌堅族黨賢之

高安縣志

卷之十九

閩範

二十一

雷節婦名貞燥岡黃應康妻年二十五夫歿無子氏凜從一之義矢志靡他事翁姑以孝稱待妯娌以和著撫諸姪從恩誼兼督學成名立半嘉賴之族隣咸欽其淑德可爲巾幗楷模

諶節婦名洛貞山畚賈元友之妻年十六歸賈二載而元友病故氏忍死守節撫育孤兒事姑極孝辛苦四十餘年力勤紡績冰操自凜教子成名太守沈公瀾匾旌柏節可風

胡節婦名九貞適富樓幸守柏一子尙在襁褓夫亡氏年二十四內外無親依孀姑唐氏爲命孝養不衰苦志育孤教子成名不幸子媳相繼而亡遺童孫三人氏復撫

育卓然有成卒年六十有五族隣咸以節孝稱

王節婦名能貞西龍山朱師和之妻必圻之母也夫死氏年二十八遺孤六歲氏矢志不二勵志教子子稍怠逸卽加呵斥故圻德性醇謹學問貫通族文端公甚器之携之入京効力史館一時名流傾心願交者眾任烏程縣丞潔操勤職甚有政聲蓋得于慈教者多焉

蕭節婦名芬貞年十七適火石丁坊生員丁策佐夫勤讀有聲膠庠未竟所學而卒生子僅二齡氏年二十二堅志守節貞操三十餘年子光先宦途甚有政聲

熊節婦名貞石渡太學生謝必遇之妻也必遇卒氏年十八遺腹生子矢志撫孤孤七歲復歿繼姪爲子以存

高安縣志

卷之十九

閩範

二十二

夫祀後孫弱冠補弟子員貢成均光前裕後氏之力也
王節婦名轉貞二十八都幽嵐魯茂念之妻年二十一夫死守節子僅二歲貧苦自甘紡績度日敬事翁姑撫育孤子孀居六十餘載人無間言壽八十二雍正十一年邑令祝元仁匾旌柏舟勁節

喻節婦名饋貞新建祝溪女鄧坊鄧子賢之妻賢死氏年二十三生二子守節孝事翁姑年六十三卒

徐節婦名長貞櫟山文學艾榮春妻春以攻苦致疾歿氏孀居四十年衰老歲暮猶燃炬于室環媳婢而勤紡績卒年七十一

節孝宋氏名愿貞新吳雅溪宋五琳之女年十六適赤土

陳其瑜之子永鈞其瑜娶朱方喻氏瑜弟其珩娶霞源
劉氏兄弟俱早世喻氏年二十五歲劉年二十歲同撫
永鈞守節妯娌相依爲命永鈞死宋氏年二十一孝事
二孀姑病割股和湯以進得愈族隣公呈縣令徐匾旌
松筠節操

彭節婦名壽貞二十一都花園漆堯童妻年二十六生子
僅二十七日而童死苦志守節紡績度日艱苦五十餘
年卒時及見子孫森盛

熊節婦名貞新建貢生熊徐文女幼讀書知文義適赤
土陳永祜祜死氏年一十八朝夕訓子讀書勤女紅不
踰閨闕年八十八卒族黨稱爲完節

高安縣志

卷之十九

閩範

二十三

陳節婦名冬貞四十一都陳光暄女年十八歸菱塘皮國
福七載生二子而福歿福素孝友臨危以教弟成名囑
氏氏勤女紅佐姑植產豐貲延師課福弟國裕戊子登
賢書苦節四十年歿後臨川李穆堂爲作墓誌銘

諶節婦名巢貞西陽劉顯誓之妻年十七適劉生子三歲
而誓卒氏年二十二翁姑年俱七旬翁因子亡爲人報
充公正受累而歿氏奉老姑已而媳及孫媳相繼俱亡
氏鞠養三世孤兒目覩五代曾元年九十而卒朱文端
公以苦節純孝匾額旌之

諶節婦安溪邑庠生陳文炳妻年十七歸炳炳故氏年二十
五歲兩世翁姑白髮在堂無人奉侍甘旨不忍殉夫重

夫抱痛乃就閨扃課兒讀書一切食用皆從十指資取
閨範嚴肅孝慈備至乾隆二年奉巡撫常公題請建坊
梁節婦名牡貞一都金沙周菴劉發房妻房卒遺腹生子
孀居堅守孝順翁姑不缺甘旨口瘡手拮五十餘年勤
儉成家置祭田于藍橋爲子孫善後計卒年八十有八
雍正十三年撫軍俞公題請建坊入祀節孝

張節婦名轉貞歲貢張源澍女也源苦女多氏幼養于丁
書誠年十七適邑庠生介賓朱棠孀姑何氏病瘵腥穢
不可近氏奉甘旨掖扶寢興晨夕滌滌二十六年如一
日年七十二沐浴端坐而卒督學金公德瑛郡伯沈公
瀾知縣陳來元祝景灝府學教授朱縣學教諭王訓導
錢經歷司鈕咸給有匾作銘表墓

高安縣志

卷之十九

閨範

二十四

朱節婦名樓貞朱文端公之妹性極孝年十八適金許珮
未及數年而夫卒家貧無子誓無二心繼晷姪爲後文
端宦遊知其能得母心接奉冷太夫人與同寢處服事
十年朝夕未嘗少懈卒年七十八

陳節婦名鳳貞三十五都廣溪蕭吾樞妻吾樞死氏年二
十四撫孤家焯列名成均越數年家焯亦死遂繼燦及
茂達爲孫教讀婚配以續家祀孫曾繁衍年七十七而
卒郡守沈公瀾給匾旌獎

范節婦名宣貞一都金沙西村劉發齊之妻夫死遺孤六
齡撫育成立受室生子而死子亦隨亡空帷獨守者二

十餘年偕媳共守者三十餘歲卒年八十邑令劉匾旌松筠茶操

周節婦十六都折棠山黃子銓妻年十八歸黃孝敬翁姑內外稱賢六載夫亡柏舟自矢遭家多難始終不易其操卒年六十餘

徐節婦名鶴貞下十三都夏方劉忠寬之妻年十七歸寬敬事孀姑胡氏族黨無不稱賢姑以暴疾歿寬竟相繼而亡徐撫孤繼祀兼理內外艱苦備嘗卒年五十六徐節婦名桂貞上塘女適下赤岡胡作興年二十四歲夫死姑汪氏年老氏無子僅生二女遂撫親姪爲嗣守節四十年隣里咸稱之

高安縣志

卷之十九

閩範

二十五

徐節婦名雪貞伍橋何琳然之妻城南邑庠增生徐永鑑之女也年十八歸何三載生子方在襁褓而夫以疾卒氏忍死守節事舅姑備極孝敬教子弱冠補郡庠生鄉隣賢之

歐陽節婦名貞米嶺庠生彭景元之妻文學歐陽仕之女也年二十二夫死只生一女氏矢志靡他終其身如一日邑令劉承蒲獎以松筠節操年七十而卒

梁烈婦名□貞舉人家駒之女自幼聰穎頗通文藝年十六適一都劉發皤甫兩載而皤逝氏誓相從地下絕粒數日而死時年十八

宋節婦一都劉遇關之妻關死氏年二十九矢志守節至

耄儒學吳之倫贈以松操鶴齡匾額

簡節婦十五都湖東女適王之瀚年二十一夫亡守節撫孤而孤歿復爲孤撫孫而孫又歿孀居三十九年苦操大爲鄉族欽惜年六十而終

胡氏筆山閔志恒之妻年十八適恒生二子夫歿子亦相繼云亡家貧媳不能守生孫甫週歲氏以祖母撫育孤孫婚娶課讀皆從織紵中來年八十二而卒

朱節婦二十七都謝倫諤妻年二十一甫生一子諤卒守節孝養其姑氏子又歿同媳馬氏孀居四十餘年壽八十二而卒

曾節婦名鳳貞潮沙姜汝淮妻平湖曾明瑤之女十八歸

高安縣志

卷之十九

閩範

二十六

淮三年而淮以書癖致疾死踰月生子曾素知文墨兒甫能言卽口授論語孝經曰汝父死於書汝宜克副父志屢試不售遂以國學授州目雍正十三年撫軍常公題請建坊一時名流咸贈以詩頌其節

李節婦名梅貞龍山郡庠生吳傑之元配也年十六適傑生子不育卽勸夫納妾生子半歲夫亡時氏年二十堅志守節撫庶子如己出奉事姑氏八年常如一日雍正十三年公舉節孝題請建坊吏部尙書劉公吳龍副憲陳公守創皆贈以詩

劉節婦名早貞四十二都皂里李建信妻一都劉選芳之女也佐夫力學夫歿氏年二十四姑老子幼家計綦貧

忍飢耐寒奉姑撫幼清操勁節族黨咸稱頌焉

羅節婦名靜貞黃溪吳朝宇妻年二十二夫歿生子甫二歲氏堅志苦守孝事翁姑雍正十二年各憲題請建坊
崇祀節孝祠

宋節婦陳守功妻夫死守節題請建坊

李節婦三十五都廣溪生員蕭吾槐之妻槐卒氏年十八無子守志事舅姑以孝聞新吳張懋能贈有節孝雙妍匾額進士朱之辨又贈以茹冰節自苦愛日孝常新之句卒年六十有一乾隆二年題請建坊崇祀節孝祠

盛節婦二十二都西溪朱國江妻十六適朱二十八而寡子二家貧撫孤苦志守節甘歷艱辛四十九載享年七

高安縣志

卷之十九

閩範

二十七

十有餘迄今後人蕃衍咸以爲苦節之報云

易節婦十九都上埠岡徐大吳妻年二十五夫亡守節孀居三十七年撫孤存祀艱辛備嘗乾隆元年題請建坊
彭節婦名安貞二十八都堰溪神山梅柏盛妻年二十四柏盛死無子撫姪爲嗣家甚貧守身貞潔事舅姑有禮鄉族無不稱賢卒年七十有八乾隆四年題請建坊

陳節婦名露貞二都溪上梁文英妻年二十二守節立姪承祀雍正四年隣族合詞請旌其畧曰痛膝下之無兒甘心同穴念高堂之垂老未忍輕生青年失偶白□完貞蒙撫軍題請建坊

陳節婦名有貞三十九都楊林儒童江采葵妻年二十七

而葵歿氏茹苦守志代夫事親視膳祭悉準于禮撫
孤成立克紹先志乾隆五年題請建坊高年耄耄節壽
兼隆

姚節婦名鳳貞集田陳必輔妻年二十夫亡茹荼守節閭
里稱賢乾隆十年題請建坊

朱節婦名齋貞上坊戴懿明妻明卒氏年二十六守志撫
孤三十餘年子亦成立克振家聲乾隆九年題請建坊
何節婦名遺貞古唐儒童朱澍之妻年二十一夫亡守節
上奉大姑唐氏至孝乾隆九年撫軍陳公題建坊

吳節婦名英貞一都廩生高賢妻年二十七賢病卒子甫
五齡艱苦守節乾隆十一年鄉族紳士公舉節孝都院

高安縣志

卷之十九

閩範

二十八

塞公題請建坊

朱節婦名唐貞儒童黃燕瑞之妻歸黃七載而夫死翁姑
卒經營葬祭克盡禮儀孀居三十四年乾隆十六年縣
令聶有閨闈完人巾幗雅範之旌詳請建坊

陳節婦名瑞英赤岸生員王鼎妻年二十六喪夫貞節自
矢教子成名姑患病親嘗湯藥翁士忠哭子喪明延治
奉養悉以織紉佐之翁雙眼復開咸稱孝感所致

陳節婦名細貞赤土女適靖安舒運幹幹死遺孤甯甯長
食餼靖邑乾隆甲子題請建坊

李節婦龍山邑庠吳卓元妻夫死無子撫姪爲嗣日以讀
書承先緒相勉後補弟子員學憲沈公翼機匾旌堅操

足式

鄧節婦國學雷雲鳳妻年十九夫歿無子立嗣勉強待亡
斂其夫之詩文囊盛壁間祭奠泣拜之病垂死猶喃喃
以護詩文爲辭學憲趙公旌以柏舟可風之匾

鄧節婦劉合昌之妻年十八合客于漢之迴風磯而卒訃
聞遂病心志如痴獨居一樓剪紙像夫朝夕哭奠醒則
養姑撫孤備歷艱辛冰操自矢後子補弟子員學憲趙
公匾旌柏操垂範

胡節婦名龍貞徐坊瑤上徐德大妻年十八歸徐二十二
歲德大早世遺腹生子飲冰守節孀居四十載兩庠公
呈學使金公匾旌矢志柏舟

高安縣志

卷之十九

閩範

二十九

張節婦珠湖傅代麟妻年十七歸麟夫歿無子苦志守節
紡績奉舅姑不缺甘旨舅姑歿塋祭諸費皆氏拮据爲
之繼姪爲嗣補弟子員乾隆七年督學金公匾旌誼高
羅翟

陳節婦名佺貞三十七都塘源庠生彭幹臣妻歸幹共甘
旨者十年夫歿氏年二十五撫孤守志孝順翁姑雍正
十一年太守劉公有冰雪同心之獎

常節婦年十七適太平門生員袁夢求求故無子氏矢志
柏舟撫姪存祀姪又亡苦貞自甘太守朱公一鳳廉其
事匾旌勁節可風

陳氏興貞四十二都龍橋下洲傅士翳妻赤土陳書佐之

女也年二十適傅生子甫三歲而**鬻**歿翁姑年皆六十
陳紡績生活甘旨無缺以孝聞後孫支繁衍郡伯沈公
瀾給裕德昌齡匾以旌之

諶節婦名茶貞高塘藍甘來之妻年二十夫歿子未離襁
裸氏勁冰操孝事翁姑持家教子四十年如一日勤慎
貞淑隣里稱其德郡伯沈公瀾匾旌節孝可嘉

節孝王氏二十九都坡山朱國相妻年二十八相死家貧
如洗氏事繼姑以孝聞姑病醫藥不效氏割股以進姑
病得愈族隣具結請旌邑令李給匾有節孝可風之獎
盧節婦名歡貞二十九都雷峯嶺姚棟千之妻年二十六
棟千歿氏守節苦志教子鄉黨稱賢雍正六年邑令李

高安縣志

卷之十九

閩範

三十

修卿給有節孝可風匾額

熊孝婦張坊張繁隆妻適張爲仲婦翁昭禮病篤繁隆將
割股救親氏知恐傷夫命給夫侍翁魘封左股烹進翁
病旋愈及夫病復封右股救痊事聞當事祝元仁旌以
淑孝可風匾額

謝節婦舉人謝紹哲妹適下十三都夏坊劉光陞越四載
夫亡以紡績度日奉老撫孤艱辛備嘗邑令聶以清節
可風旌之

陳節婦名梅貞版塘鄢世益妻年二十五而寡七十有二
而終家貧辛勤教子族隣呈請學憲金公德瑛匾旌矢
節流輝

何節婦名亮貞蕭坊蕭廷珀之妻年十七歸蕭未周三年而夫亡無子乃立姪爲嗣集蓼茹荼孝慈兼盡百折不回年七十八而卒邑令劉承蒲匾旌竹筠松青朱文端公褒之有句云集荼蓼於苦雨酸風備極九迴之結持門戶于寒霜凍雪洵爲百鍊之鋼

鄭節婦名秋貞三十六都龜山趙應宿之妻應宿死氏方二十五歲矢志苦守奉老撫孤俱憑紡績經營清操同于冰雪年屆耄期子孫林立人以爲女貞之利云

劉節婦名瑤貞三十九都黃家璧之妻一都庠生劉騰之女歸璧甫二載夫故子女無出矢志守節惟伯母是依杜門紡績五十八年人不見其面族隣仰之知縣范卜

高安縣志

卷之十九

閩範

三十一

年有柏節松齡之褒

劉節婦烏泥舉人漆金之妻年二十四夫歿居喪骨立步履不離閨門終身寡言笑未嘗見齒柏舟自矢玉潔冰清遠近稱誦

聶節婦名茹貞年十八適十六都能汝會未及一載而會故遺腹一子誓不二天守節五十年遇族婚娶絕不往賀矢志如一日學憲林公給匾節並松筠以旌之

李節婦名妹貞城南鉛山訓導李之鼎女城北彭良柱之妻年十八歸良柱甫二載柱死遺腹生子數十年茹荼飲蘖練衣麓服奉老教子竭盡心力鄉里咸稱道之傅節婦名能貞翰溪黃應遴之妻年二十四夫歿遺孤甫

五月氏矢志守節紡績以事舅姑育子教讀有方堅操四十餘載族隣咸稱之

金節婦名月貞四都清潭嶺陳世佑妻年二十五世佑病故氏無出誓死靡他茹蘖飲水惟藉十指生活雖年近七十未嘗足出戶庭人以完節稱之

黃節婦十五都湖東廩生王文贄妻新喻鵠山黃氏女十入歸贄年二十餘而夫卒氏無出守志不二家貧益勵清操孀居五十年

何節婦名蓮貞古塘朱億之妻年十六歸億甫五載生二女而夫亡家貧甚閉戶勤女紅以奉翁姑翁姑死一切喪具悉出婦手忍飢耐寒守節五十一年族隣咸稱其

高安縣志

卷之十九 閩範

三十二

苦節

劉節婦新吳庠生劉良璧女年十四適伍橋庠生何浩然貲糶頗饒鬻以佐讀八載夫亡忍死事育截髮畫荻之風兼而有之

陳節婦名夷貞東南廂遷居米嶺橫城鍾邦彥之妻結縵六載夫染血疾以歿氏年二十一翁姑在堂子方襁褓仰事俯育子道父道一身獨任里黨咸稱苦節

羅節婦名星英竹山羅憲德之女新溪儒童胡翰濤之妻年十九適胡未及四載而夫死子甫二齡氏茹荼集蓼備歷艱辛上奉九十二歲老姑教訓子孫婚娶成立年踰六十猶紡績不倦族黨賢之邑令聶褒其門

梅節婦名 貞社山朱子傑妻家素貧氏勤紡績生子病跛甫二歲而傑歿家無宿糧上事繼姑孝順無間杜門紡績人罕見其面閭里賢之

謝節婦名丁貞溪頭謝啟徽之女十七歲適大岡下生員朱幹幹以力學致疾歿氏矢志守節上事翁姑以孝下撫孤兒以嚴四十餘年玉潔冰清族隣具呈當事給匾褒獎

黃節婦二十一都黃正忠女同都曦嶺洲上汪興沾之妻也歸汪五年而沾故黃誓死不二事翁姑以孝撫諸孤以慈守節三十九年縣令有冰雪比操之旌

朱節婦名拙貞舉人曰鳳之孫女瑪瑙張士純之妻也年

高安縣志

卷之十九

閩範

三十三

十八適純二十六夫故長子尙幼少子猶在襁褓氏矢心不二朝夕依侍老姑孝養無間長子早年入泮旋即死亡氏復以義諭媳撫孤孫而躬示之範兩世孀居家門嚴肅咸稱之

羅節婦名葵貞八都版塘櫟山鄢文榮之妻二十四夫歿無嗣繼立一子又歿氏紡績守志三十餘年一貧徹骨而凜從一之義之死靡他人憫其窮彌欽其節

蕭節婦名廉貞蕭坊邑庠生蕭彪之女適翰溪儒童黃幣聘聘刻苦讀書旋以疾歿氏年二十六矢志撫孤茹荼食蓼苦節四十餘年隣里稱之

喻節婦新建文學喻煥文姊適赤士儒童陳上恭恭勤舉

業生一女一子而歿氏年二十六守節事二繼姑克盡婦道勗子以繼父志膏火惟憑十指所出洵有和丸畫荻之風

徐節婦名七貞三十七都彭景序之妻年十七歸序生一子一女而序卒子亦繼亡氏堅志苦守撫姪爲嗣人稱完節

李節婦郡庠生李象棠之女龍山吳藹元之妻也年二十適吳翁患氣疾氏佐夫調理湯藥不少倦翁歿藹元抱疾繼卒姑老子幼氏婦盡子職母兼父道長子燕翼食餼鬻宮聲振一時次子孝翼以明經任湖口訓導人以爲節孝之報清江宮保漕督爲之立傳載諸文集

高安縣志

卷之十九

閩範

三十四

陳節婦名仙貞適本坊塗甯表年二十五守節三十年人交賢之

曾節婦名蓉貞橫港毛受滾妻石泉元之女歸滾月餘滾卒家貧無嗣誓不再醮紡績事姑三十餘年鄉里賢之張節婦名善貞桂溪儒童李子擴妻張氏端貞擴弟子秀妻也己酉翁國棟以誣陷自盡營葬畢子擴亦自縊擴妻善貞生子天相甫五齡幼子天柚其遺腹也未幾子秀死其妻端貞無出撫天柚爲嗣妯娌相依情同姊妹苦守數十年一門雙節隣里敬之

丁節婦年十七適富樓儒童幸守載載家貧氏親操并臼八稔夫亡毀容剪髮誓死靡他堂上二老生養死葬莫

不如禮朱文端公匾旌節孝堪珍

童節婦三十都泰溪儒童楊國援之妻年十八歸楊夫亡
氏年二十六仰事俯育一身獨任孀居四十餘年清操
常如一日隣里族黨咸稱賢焉

龔節婦名細貞四十一都觀西左希多妻年二十三夫歿
二子俱幼氏矢志撫孤紡績不輟有老嫗勸之改適者
氏持刀自刺奮救得免由是人不致犯卒年六十有三
黃節婦七都蛟塘謝洪海之妻年十八歸洪海五載夫歿
氏痛哭垂死隣母慰曰汝上有八旬老姑下有半齡幼
子惟汝是賴汝卽以死從夫奚取焉氏乃忍留殘喘安
貧苦勤紡績奉姑終養撫子成立族鄰嘉之

高安縣志

卷之十九

閩範

三十五

黃節婦名臘貞十都城上黃石之女年十四歸會頭楊祖
芝逾年芝以疾歿氏觸棺幾死姑知其有孕而曲慰之
乃勉強自存矢志苦守越四月生子撫育教誨母兼父
職年踰六十宗黨嘉嘆不衰

王節婦名貞社山朱子幹妻年十七適幹甫一載幹死
氏年十八無子家貧矢志不貳縫紉餬口數十餘載咸
稱苦節

黃氏二十七都溪頭謝誼倫之妻輔相夫子克成家業凡
睦姻任卹以及延師課子皆內助之力居多司寇浙江
錢陳羣與其孫鴻詔友善聞其賢匾旌鍾郝芳徽子孫
俱次第登科甲

陳孝女名摘貞赤土女幼喪母父病牙疔甚重貞刲股內和藥以進父賴以痊後適新建儒童劉懋灼斷指激夫勵學事聞學院楊匾額旌獎

王節婦青石岡王大嘉之女適三十三都燕山徐必甯年方二十六夫死子幼矢志柏舟辛苦拮据撫子成立婚娶年屆七旬太守沈公瀾匾旌松齡筠節

藍節婦筠西鄭邦畿之妻年十九而夫歿艱苦完貞教子成名高年八十提督學院張公映辰匾旌萱榮柏茂

朱節婦名耀貞二十九都王良羅之妻夫歿氏年十九家貧無依堅志苦守撫子成立備歷艱辛年五十六而卒人咸稱其貞操焉

高安縣志

卷之十九

閩範

三十六

鄧節婦名救貞幽嵐魯茂橋之妻歸魯三載生子一週橋卽亡家貧甚翁姑老且病氏恐飢餓勤紡績而菽水無缺或有勸其他適者氏咬指爲誓人皆凜服無敢言後子長成竟以勤儉致溫飽見貧苦孤寡每曲體其心以周全之邑令劉祉匾旌節並松筠後孫曾登仕籍遊膠庠接踵而興蓋苦節之報

唐節婦名 貞仁濟坊遷居文下徐永命之妻年十六適命未及三載命卒欲同死其翁姑勸之曰不幸子歿亡使媳又相繼二老將何所依氏乃勉強自存勤紡績供甘旨歿後衣衾棺槨皆其拮据營辦兩繼親姪延祀乾隆三年兩學公舉詳請題旌

涂節婦名德貞蔡溪胡之漣妻郭峯副貢涂大受之女也連卒氏年二十四遺孤一歲柏舟矢志事翁姑備極孝養育孤子以詩書督課苦節六十年如一日護郡伯謝公珩匾旌德媿松筠今後嗣濟濟庠序咸謂天報苦節云

劉節婦名佛貞清湖朱弼謨妻鈞山部曹劉兆露之女也歸甫三載謨故氏年二十一遺孤未及一歲家貧苦翁姑年老氏自思不敢以一死塞責遂竭力經營上事二親下撫孤子無不盡善族黨賢之

白節婦名紅貞荷山陳守儒妻清江庠生之女也適儒兩載儒外出以紡績事高堂得其歡心儒卒于外氏甘守

高安縣志

卷之十九

閩範

三十七

清貧歷四十餘載從無怨言洵稱苦節

胡節婦名芝貞幽嵐邑庠魯曾之妻上高增生胡秉恕之女也年十七歸魯曾就外傅氏以媳代子晨昏服事姑病飲食湯藥一一躬親不假僕婢之手曾病危顧氏垂涕不忍言氏曰良人得毋疑我乎倘不測當相從地下耳曾曰吾正慮此如此襁褓將何所依氏乃拜受遺言曾亡氏年二十三寂守深閨撫子長成篤志訓課鄉里稱之

姚節婦安溪下塔水陳維貞妻年二十二歲夫死守節自始至終歷年七十有八人無間言

宋節婦豐城女年二十適七都張武功曲盡婦道未六載

而夫故孀姑在堂子方在抱氏矢志守節奉老撫幼孝慈兩全及子生孫七歲而復歿三世孀居甘耐清貧遠近咸稱苦節焉

毛節婦名吉貞隴頭張文煥之妻新昌拔貢毛芾皇之女年方二十三夫死守節艱苦備嘗事姑盡孝教子成名鄉里稱之郡伯趙世錫匾旌芳追熊荻

劉節婦名歡貞一都劉發聰之女年十八適起頭武啟昌貞靜孝敬克全婦道結縭五稔昌以苦讀病故氏痛哭幾絕逾月遺腹生一子教讀婚娶母兼父道後子成孫立鄉隣稱爲賢婦

左貞女名賤貞四十一都觀西左文信之女幼許本都舉

高安縣志

卷之十九

閩範

三十八

人皮國裕孫皮鋤爲妻鋤客于黔時有自黔歸者訛傳鋤已死求婚之家不一而貞絕髮爲誓堅守十餘年貞父訪察乃知鋤實贅於黔且生子並未死也抱忿控縣遠關黔省適鋤贅妻亡遂歸縣斷完配併給貞靜可風匾額旌之

諶貞婦荷山陳守經妻歸陳一年守經客黔音信杳無氏勤紡績以奉孀姑後姑歿或勸之再醮氏曰婦人之道從一而終甯若負我不敢負若也遂依親姪爲命寂守深閨歷年七十有七而終

劉節婦名帶貞三都大成藍洪欏之妻十六適藍僅一歲夫死遺腹生子苦力撫孤十八而歿復育叔子以續後

嗣孝事翁姑集蓼茹荼矢志靡他咸欽勁節

胡節婦名桃貞官塘熊誦泰之妻年二十七夫歿氏柏舟自矢紡績惟勤孝事翁姑撫育諸子成立備歷艱辛縣令李時溥匾旌松筠比節里人徐濟言著有傳贊

熊節婦名四貞十八都寒溪陳曾龍妻年十九歸曾龍克盡婦道勸夫勤學四年夫卒生子方半齡氏矢志守節紡績佐食仰事俯育艱苦備嘗後姑病喪明氏朝夕扶持得姑歡心如是者十數年卒年五十有六里閭以孝節稱焉

諶節婦庠生諶丹女荷山陳洪鎮妻也年十八適鎮鎮卒諶事舅姑及祖姑極孝姑歿繼姑劉諶事之益謹繼姪

高安縣志

卷之十九

閩範

三十九

規瀾以續夫嗣雍正乙巳兩庠上其事于學憲沈西崖匾旌勁節維風歿年六十有一

梁節婦名佳貞三都大成國學生藍茂祿之妻也年十六適茂祿甫三載夫亡遺一子矢志柏舟事翁姑克盡孝敬撫孤兒課以義方享年六十有五鄉族咸頌淑節人無間言

皮貞女名小貞高明門外皮世魁女節孝出于天性幼受平湖蕭家罷聘家罷往川生理八年正貞當婚之時兩家父兄至川招之曰待我十年而後嫁貞不以身口累父母遂歸蕭以待而家罷竟不歸貞苦守四十餘年繼姪以延夫嗣

周節婦名東貞長崗熊翰富妻富歿氏年二十七上事翁姑下撫二子孝慈兼盡年登七十縣令陳來年匾旌松筠比節

皮節婦名梅貞皮國福之女適藻塘楊兆春春病危氏割股和藥以進春竟不起無子氏矢志苦守繼姪承祀族黨賢之官年七十有五

陳節婦名里貞十八都芳門下三甲胡皇金之妻生一子甫數歲而夫亡矢志柏舟飲冰茹蘖孝事翁姑官年八十有三而卒署縣許淵匾旌節壽雙高

黎節婦名櫻貞太平門黎遇龍之女適三十七都起頭武啟昂爲妻甫四載昂歿氏年二十四翁姑俱喪事祖姑

高安縣志

卷之十九

閩範

四十

以孝稱焉繼姪爲子以續夫嗣年五十一鄉隣咸嘉其苦節

趙節婦名蓮貞二十三都西埔劉盛珪之妻珪歿氏年十九遺腹生子撫育完娶未幾子亦云亡兩世孀居相依爲命艱苦備嘗幸遺腹生孫克延似續蓋貞節之報年五十有九

以上俱舊志

黃節婦名蘭貞漾塘黃啟昆之女一都瀘溪胡世德之妻年十六歸胡二十歲喪夫遺腹生一子氏矢志苦守上事翁姑下保孤穉維持調護不遺餘力族隣無不稱爲女中丈夫乾隆元年奉

旨旌表建坊春秋祀事子庚辰

恩科舉人孫己卯科舉人由吉安府泰和縣教諭陞任山東武定府陽信縣知縣其餘孫曾列庠序者接踵而起是以一綫之延綿無窮之慶皆氏所食報者

吳節婦名純貞伍橋戶部主政何郁之妻年二十夫死兒甫三歲而天痛哭幾死人慰以有姑在氏曰吾所不死者正爲姑耳歷十餘年鄉族咸稱孝養爲之擇繼一子年七十有八乾隆戊子

詔旌清標彤管

陳節婦名黃貞堰溪神山太學生梅繼盛之妻年二十一孀居子甫三歲老姑在堂矢志柏舟奉姑備極孝敬撫子長大爲之完配不幸夭折以姪爲嗣殷勤訓課名列

高安縣志

卷之十九

閩範

四十一

膠庠里黨重之乾隆三十五年各憲詳請奉

允建坊旌表崇祀節孝祠

周節婦名能貞洛城傅代仙之妻年二十夫亡無子氏剪髮自矢茹苦集蓼靡不自甘事姑以孝朝夕奉視終始不衰姑逝世喪葬一皆如禮鄉里稱之現年八十有三邑侯黃申請奉

旨建坊旌表

陳節婦名肅貞星沙范用栩之妻年二十二生子女各一栩歿勵志守節勤儉起家撫孤生孫媳亡以婆代母備極辛勤延師課讀兩世無少懈高壽八旬目覩孫入成均曾孫蜚聲鬢序乾隆丙申兩學公舉奉

旨旌表建貞節坊

孫節婦名冬貞前港謝謨講之妻年十九歸謝生一子講以家貧棄儒業貿易在楚身故氏年二十三柏舟自矢日夜勤紡績以孝事翁姑比子年長搬喪歸厝哀毀逾常厥後惟以詩書督課兒孫風規不減畫荻乾隆五十一年公舉節孝

勅建貞節坊現年七十有五

歐陽節婦名貞生員沈世英之妻年二十五英歿生子三家無長物四壁蕭然氏紡績度日矢志靡他教讀婚配俾至成立邑侯申請上聞蒙

恩獎賜給銀建坊今後嗣貢入成均咸以爲貞節之報云

高安縣志

卷之十九

閩範

四十二

何節婦龍山處士吳成鑄妻也年二十三歸吳家貧甚氏紡績度日夫死誓從地下爲妯娌救免旣而念老親在堂弱齡在抱隱忍撐持凡養生送死教讀婚配悉於禮無愆論者謂眞能人所難能矣乾隆五十一年

詔旌其門

譔節婦名紅貞南山武舉褚遠新之妻年十八歸褚二十七夫故無嗣氏柏舟自矢志凜冰霜旋繼猶子以延夫祀而敬養翁姑倍極肫摯族隣咸稱節孝郡伯圖以心堅金石搯勁松筠詳請奉

旨建坊旌表崇祀節孝祠

陳節婦名池貞珠湖傅代福之妻年二十六守節家貧甚

饘粥無資日夜紡績上事翁姑下撫孤兒自始至終不憚勤勞年六十八矢志四十餘載銖積寸累又爲二子捐授州同從九等職是誠有節而兼有才者邑侯俞詳請旌表奉

旨建坊崇祀節孝祠

李節婦坡山太學生朱國器之妻宦江蘇永鹽庫大使李鴻舉之女也年十九歸朱挑燈佐讀舉子一氏年二十五夫歿誓不欲生念姑老子幼志矢柏舟氏父在任聞耗以書迎之至署而氏辭以詩有云一書遠寄自東吳想到封緘是淚珠也識親恩山並重高堂誰奉白頭姑當事廉訪之並其詩以

高安縣志

卷之十九

閩範

四十三

上聞旌表建坊崇祀節孝祠

鄭節婦徐坊徐慶長之妻歸徐八載生子二而慶長歿幾欲相從地下以翁姑在堂孤兒在抱忍死守節孝事翁姑生養死葬無不如禮又銖積寸累爲子婚教俾獲成立現年七十有二芳聲眾著乾隆甲寅江西撫憲陳具題奉

旨旌表建坊

節孝郭氏米峯鄭道行之妻年十七歸鄭二十歲喪夫當欲相從地下因念孤兒待撫只得苟延誓死守節家甚貧奉姑極孝姑病危願以身代私割股以進天監其衷而姑病以甯此節而兼孝者乾隆三十四年當事黃申

詳具題請旌奉

旨勅建牌坊

陳節婦名默貞灰埠陳仁炳之女珠湖傅予訓之妻年二十四予訓卒遺腹生一子氏矢志苦守日夜紡績以養舅姑爲兒婚教計不幸孤年甫冠而亡生孫亦復不育氏呼天搶地而泣曰向之所以不死者有夫死從子之義今遭變如此吾其何以自存妯娌欲以子繼之氏不可曰吾子已生子今若繼子不惟無以處吾子且使亡夫餘憾也族之賢者憫其志爲擇服孫殿圖繼立以存宗祀邑宰俞以孝慈貞順匾額贈之

吳節婦名翠貞上湖隴北劉之賢妻年二十六矢志守節

高安縣志

卷之十九

閩範

四十四

淡泊自甘母家常遺以帛曰未亡人安用此惟勤紡績以營生至夜燃燈操作命兒曹坐讀其旁聞書聲與機聲相應則喜否則詞色俱厲府學師段公匾曰節勁松筠現年八十冰蘖五十有餘歲矣

敖節婦名喜貞圳上鄧國榮之妻年二十四而寡家徒四壁二子俱幼氏十指營生堅志撫孤皆爲婚配年屆七旬族隣請於當事匾旌柏節長春年七十七孫枝蕃衍人皆以爲苦節之報

范節婦名星貞進士范文龍之孫女傅賚礬之妻年十八歸傅孝事翁姑二十五歲生一子夫死伶仃孤苦日夜勤紡績爲婚教計子若孫均獲成立節孝之美洵有足

風者

劉節婦名紬貞五都郭子腦傅弼應之妻弼應以力苦致疾而亡氏年二十三無嗣繼一子苦志守節事舅姑克盡孝敬撫孤兒日夜紡績艱苦備嘗從無怨言宗族鄉黨咸以淑德稱太守圖廉其搯匾以節凜冰霜獎之朱節婦一都左橋劉元帶之妻年二十二孀居家極貧紡績度活事姑教子孝慈兩全年六十五而卒族里咸稱之

金節婦名狷貞龍山吳化炬之妻年十九歸炬家貧甚氏相夫事姑克盡孝敬生二子夫歿忍死守節紡績營生雪夜霜天一燈熒熒令子讀書於其側艱苦倍嘗數十

高安縣志

卷之十九

閩範

四十五

餘年如一日長子補郡庠旋食餼今貢入成均僉稱爲苦節獲報

范節婦名梅貞下二十都孫家坊喻汝秀之妻年十八歸喻二十四歲夫故無嗣家甚貧苦氏斷髮嚙指誓不二天日夜紡績營生機杼搯作至老勿懈而亦從無怨言是誠性成金石者近來筋力就衰賴猶子國學朝夕服勞奉養待如己母氏雖無子若有子矣現年七十有六咸以節勁松筠稱之

祝節婦名引貞聶顯珍之妻二十六歲喪夫子甫二齡家貧撫孤不憚艱苦有促之改適者剪髮自誓以明志事姑至孝教子寬嚴並用年六十三歲鄉黨以節孝稱之

熊節婦南城常士化之妻年二十七生二子夫亡矢柏舟
操長無嗣遽歿與寡媳相依爲命撫育次子課讀維勤
後子髻年入泮旋食餼貢成均得力於慈訓者多督學
蔣匾旌茹蘖丸熊太守衛復贈蘭心松節以子訓導珍
元

貽贈孺人孫枝蕃衍踵列明經其方興正未有艾也

余節婦名紅貞南城飛仙巷候選叅軍李芝蓮之妻年十
八于歸事翁姑孝敬備至日以勤儉佐夫夫亡年二十
六遺腹生一子旋夭繼姪孫爲嗣又天勵志清操撫二
女出閣紡績悉出其手壽七十終

傅節婦名蓮貞南城飛仙巷貢生李一峯之妻年十七歸

高安縣志

卷之十九

閩範

四十六

李相夫子以德夫亡氏年二十五生子甫一月矢志柏
操孝事翁姑終始勿替撫藐孤和丸以教有仲郢母風
後子髻年補博學弟子員旋食郡餼鄉黨咸嘖嘖稱之
黃節婦名 貞適菱塘儒童皮天佩爲妻佩以刻苦讀書
賁志而歿氏年二十五誓不欲生因念上有翁姑下有
孤穉遂忍死仰事俯育竭盡孝慈五十年艱辛備歷其
節操有古烈婦風

何節婦南山生員出圖女龍山吳登漢妻生一子年二十
夫卒氏立志守貞上事翁姑下撫弱穉摒當一切家務
井井有條後翁姑淹逝子以病歿復百計調護以撫孤
孫務使婚教之不失其艱辛真有與年而俱進者今孫

曾濟濟不少蜚聲皆母之詒也年六十六而卒邑宰黃公曾爲之傳

吳節婦名勸貞龍山服遠之女適赤土陳齊濂家貧氏事姑不缺甘旨二十四歲齊濂卒生一子又歿氏與姑形影相依矢志守貞紡績奉養姑歿塋祭無不如禮人皆賢之年八十四而卒

吳節婦名德貞張坊邑庠生張元斌之妻年二十四元斌歿子僅一歲氏志節凜然上事翁姑先意承志撫孤成立名列膠庠高年七十有八其清操不知幾經淬厲也宜乎孫曾濟濟蜚聲鬢序不一而足

吳節婦名維貞下滑埠胡世苟之妻年二十二夫死遺腹

高安縣志

卷之十九

閩範

四十七

生一子飲冰茹蘖矢志靡他有以青年諷其別適者氏曰姑老子幼稍有天良何忍爲此吾惟養姑以待其終撫兒以待其立少慰亡夫於地下耳自是躬勤紡績用給朝夕者六十餘年前邑侯祝公聞其賢匾旌柏節流徽

周節婦名月英三十七都龜山儒童鍾學開之妻年十八歸鍾事舅姑以孝結褵三載子生歲半夫亡氏誓以身殉慟而幾絕父母多方勸慰始強起矢志靡他撫藐孤勤教育茹荼飲蘖數十年如一日焉氏年九十二繞膝者五代人以爲苦節獲報

朱節婦名昭貞貼市堆姚五超之妻年二十寡而無子矢

志守節集蓼茹荼孝事翁姑終始勿替四十年足不踰
闕撫姪繼以爲嗣日督業儒有和丸風子以髫齡採芹
皆氏辛勤課讀之力也現年六十有二鄉城無不稱其
壺範

喻節婦名明貞赤城邑庠陳齊平之妻年二十五夫故生
一子甫二齡氏勉畱殘喘矢志守節上事老姑下撫幼
穉不遺餘力遇姑病百計調治衣不解帶者六年其爲
藐孤苦謀婚教悉憑紡績取貲艱貞尤難以言罄迄今
子獲成立孫枝蕃衍現年七十八歲

吳節婦名敬貞年十九適皂溪李建和爲妻生一子及夫
病危割股以救延活三載而後卒氏時年二十七歲誓

高安縣志

卷之十九

閩範

四十八

志苦守集蓼茹荼日夜紡績以謀孤兒婚配而子處孀
幃丰骨峻贈至老勿懈迄今年已七十有八守節計五
十一年

吳節婦名熱貞倉下金繩璋之妻龍山舉人吳衢之孫女
也舉止端詳顰笑不苟年二十六夫亡子僅五歲矢志
柏舟辛苦獨持奉翁姑以孝敬督孤子以詩書婦盡子
職母兼父道孀居三十餘年鄉里咸頌淑德子早歲成
名節孝之報洵不爽云

劉節婦名維貞柘塘傅啟禧之妻年十九歸傅善事翁姑
越九載而夫歿無嗣守節內外兼理艱辛備嘗不辭勞
苦松筠柏操歷久彌貞享年七十有九此節孝之真有

有可風者

况節婦名職英高沙鹽大使禹謨之妹南城朝天坊胡宏忠之妻也年十八歸胡翁先卒事姑養生送死孝敬備至越五載生男在抱甫一歲夫歿哀痛絕粒幾欲身殉氏母再三勸之曰汝死孤兒何依是以矢志柏舟堅心課子冀其成名其子果補郡庠孀居業經四十九載輿論賢之現年七十有二

陳節婦名東貞四十三都烏峯鄧予彩之妻結褵六載生二子夫亡氏忍死守節茹蘖飲冰撫摩孤穉不遺餘力一切婚教之計俱憑十指經營故藐孤皆得所成立是能本慈以爲嚴者要其艱苦爲備嘗也節守五十餘年

高安縣志

卷之十九

閩範

四十九

而卒塋之日遠近景彼芳聲胥爲執紼且稱其貞搯獲報宜然

梁節婦名壽貞赤土洲上陳永謙之妻年二十四歲夫故生一子尙在襁褓氏哀毀絕粒孀姑劉氏泣語之曰我守節半世祇爲陳氏一塊肉今吾兒夭折幸有孤孫可延宗祧上事下撫惟汝是依豈可死時耶氏乃勉畱視息與老姑相依爲命日夜紡績營生能使姑不失養子獲成立族鄰無不嘆爲冰霜雙清氏節守三十七年而卒

鄔節婦名菊英昴溪女也蛇姑嶺太學生彭大蛟之妻蛟遊南楚兩尊人在堂服勞奉養以媳代子不少懈蛟以

病卒於楚氏聞凶報痛哭幾絕顧膝下藐孤忍死割痛自矢冰操爲諸孤成立計迄今五十年子列成均孫枝競秀亦足見氏之節守有功

朱節婦大坵章懋德之妻青湖朱應詳次女也懋德勤苦讀書致病早卒氏年二十七茹藥飲冰上事舅姑下保孤釋惟憑十指作生涯四十餘年艱苦備至族黨皆稱美之

熊節婦名叩貞洪岡楊兆快之妻年二十六夫亡遺腹生一子其時姑老家貧氏日夜紡績自植園蔬以爲供膳或諷之易節氏曰有姑當奉有子當育吾忍爲此喪心事耶茹荼集蓼苦守四十餘年至七十而卒

高安縣志

卷之十九

閩範

五十

徐節婦名貞四都南園羅超之妻年二十夫歿氏苦守撫孤弱冠入太學娶盛氏爲婦甫幸生孫而子又歿姑媳相依冰操皦然日夜勤紡績治家隣媪以貧苦告者必調卹之年七十餘曾孫林立卒以壽終

聞節婦姚翼世妻年十八歸姚連舉二子家雖貧安之若素已而翼世歿氏一慟而絕若有詔之者曰汝爲吾家婦上有耄姑下有幼子俱於汝是賴汝何至此遂勉畱食息盡哀而止仰事俯育不減敬姜之勞年七十有三二子俱貢成均諸孫玉立昌熾正未可量

李節婦名薔貞龍山儒童吳化侃妻也年二十四侃以疾殂家困甚孤僅三齡氏矢志柏舟撫摩孤釋凡教讀婚

配生涯悉憑十指後孤又病瘖奄延二十餘年兒媳相繼而歿所對者孑然一孫其間經營鞠育集蓼茹荼莫可名狀鄉鄰無不爲之酸鼻現在孫列膠庠曾孫森立已足徵苦節獲報

何節婦龍山儒童吳淑衍之妻年十八歸吳姑病瘖氏親候湯藥不少衰年二十夫亡撫孤守節事老翁尤備孝敬鄉里難之

劉節婦龍山太學生吳居寬之妻氏父爲湖南直隸郴州知州劉諱伯興幼嫻女訓歸吳挑燈佐讀伉儷甚諧逾年夫以疾故氏哀毀終喪代夫立嗣垂數十年雖家人罕見其面宗黨咸欽之

高安縣志

卷之十九

閩範

五十一

何節婦河广蕭茂德之繼室也氏籍湖北漢陽府年十八以室女歸蕭蕭時任湖北荆門州石橋司巡司氏在署經理無不曲當生一子四歲夫歿氏料理喪事扶襯歸里事老姑極得歡心處妯娌毫無間言今藐孤成立孫枝亦秀節揅殆以是而益彰

何孝婦張坊儒童張曲誠妻也性嚴毅生一子一女皆殤姑病篤氏割左股以進家人無覺者然姑卒不起是年夫又失血氏復割右股以進家人亦無覺者夫歿氏觸棺幾死勉畱殘喘以治夫喪由是亦成羸疾漸至不起櫛髮進藥惟嬾彭氏一人身任一夕彭與解衣見兩股疤痕叩以故氏秘不言堅叩之始泣曰左爲姑右爲夫

予死不足惜但恨兩次不驗有愧於祖姑多耳初氏祖翁張繁隆祖姑熊氏兩割股皆効氏獨無應亦有幸有不幸歟要其節孝出於一家誠足後先輝映也

張節婦名勸貞四都楓山黃煥財之妻年^十歸黃性穎敏勤于織紉孝事翁姑氏年二十六夫亡痛哭屢瀕於死還念夫無似續繼姪爲嗣以延宗祀飲冰茹蘖自矢柏操六十年如一日尤好施與以濟貧乏里人多德之

陳節婦名竹貞中巷胡應喜之妻年十七適胡生二子夫亡氏時二十一矢志守節雖家徒四壁不易其心上奉翁姑下養幼子惟憑紡績以自給迨後撫孤成立壽屆七旬邑侯聶聞其賢匾旌松柏節齡戚宦朱公璣匾贈

高安縣志

卷之十九

閩範

五十二

松柏清操高年八十有三

王節婦其先關中人父以同知職行商於吉安遂家南昌幼適市南胡世芳爲妻舉二子年二十五而寡事翁能盡孝敬青燈熒熒勤女紅以課讀菽水修脰盡出於針谿線脚之餘苦節數十年至老不懈子以選貢知桐梓縣孫領鄉薦

劉節婦十三都樂安太學生吳一元之妻年二十五夫卒脫簪去珥深自晦藏孝事翁姑撫字孤息年八十三終內外長幼咸無遺議今子孫蕃衍人皆以爲節孝之報吳節婦三都邑庠生陸之燦妻廿年守節紡績營生上事翁姑以孝膝下無子撫姪以繼夫嗣義方之訓無殊嚴

父洵女中之丈夫也邑令聶匾旌節媿松筠壽八十有八

姜節婦名臙貞城南石橋儒童吳重輝之妻十八歸吳機杼催讀夫亡氏二十二歲矢志撫恤家貧甚紡績佐食姑以累年羸疾服侍湯藥日夕無倦容姑亡念翁年老境逆多方奉養每得歡心嗣是祭葬如禮節孝之風足風閭里督學汪旌以古井盟心額

敖節婦十二都雲堆傅增昌之妻年二十七生子甫數月而夫歿守節不二事翁姑得其歡心交妯娌彼此無猜今子入成均孫枝蕃衍皆其節操之報

陳節婦名瑞雲西陽劉垂象之妻年十八歸劉翁姑早逝

高安縣志

卷之十九

閩範

五十三

每以不得孝養爲恨歲時伏臈必潔鼎俎展其孝思象以少年經營湖海搆疾而歸氏百般醫治卒不起維時一孤未滿半週氏飲冰茹蘖四十餘年撫孤持家內外怡然迄今子孫樹立成名論者皆謂令德之報郡伯沈公高其節旌曰勁節延年

胡節婦名桂貞系出奉新適碧落巷歐陽巘爲妻入門時翁姑皆逝事祖姑能盡孝年十九生一子巘亡氏矢志不貳撫育辛勤督課惟謹子滙入邑庠娶新昌黃氏生子光而滙又歿黃亦堅志守節姑媳煢煢視子遺如一綫比光貢成均娶市南胡氏舉二子光復棄世今胡年八十有四黃年六十有八孫媳胡亦年五十餘五世同

堂曾孫林立其三世苦節之徵歟

陳節婦龍山太學生吳廣益妻也廣益年二十五而歿氏
袁慘痛切幾欲相從因姑老子幼勉強偷生數十年仰
事俯育頗有賢聲不幸其子未及終養而亡姪鍾岳不
忍絕其嗣以次子爲之後

况節婦名絨貞二十八都坪上冷志孝之妻年十七夫故
無出家甚貧氏矢志靡他日夜勤女紅以謀生不忍使
夫無嗣撫育族姪以承宗祧苦節六十餘年

嘉慶四年
題請建坊

鄧節婦名忠貞堰溪梅占能之妻年二十七夫歿舅姑年
暮一子尙幼柏舟日矢日事紡績孝敬以奉高堂撫子
成立列成均里黨咸賢之享年八十有五

高安縣志

卷之十九

閩範

五十四

金節婦名重貞堰溪爵山梅靜能之妻年二十夫歿姑老
子幼家甚貧窘有勸其再醮者金正色叱曰婦人從一
而終况上有老姑下有孤兒忍翫置之勤紡績以奉姑
課督其子至於成立乾隆五十七年太守圖以柏操松
齡賜匾旌獎

王節婦名愛貞筠南錫瑞長女清湖朱弼作之妻生一女
無子夫早逝柏舟自矢紡績營生且性甘淡泊好施與
父母有饋遺氏輒轉周貧乏毫無德色節守三十年冰
清玉潔死之日合族以共姜頌之

李節婦廬陵縣教諭李澂思之女城南徐承烈之妻年十
九歸徐孝事寡姑親搯井臼生二子夫亡長甫四齡幼

在襁褓家劇貧矢志靡他鍼指度活守節三十年艱苦備嘗俾二子成立鄉族稱之

金節婦二十四都儒童周道鸞之妻鸞幼失怙賴母袁氏與祖母袁氏孀守完娶氏性純篤十八歲生男閱一年夫故氏痛哭不已誓以死繼姑與祖姑哀泣諭之曰汝死孤兒何托兩寡誰奉其責匪輕未可以死謝也嗣是內外嚴肅勤儉紡績上事下撫靡所勿周迨祖姑以老壽終姑歿亦八十餘歲先後喪葬皆身年各如禮現年六十有三子孫繩繩足徵其苦節獲報

李節婦名庭貞南城飛仙巷貢士一峰之女南城石橋太學生吳含輝之妻年二十六夫亡無子一女尙幼繼姪

高安縣志

卷之十九

閩範

五十五

爲兒當夫卒時氏痛哭幾絕翁姑勸慰至再乃叩夫棺約俟女子歸後誓必偕亡數年來嘗泣矢此語後女子歸甫一月卽夢夫催赴前約曉備述之是夜三更告翁姑曰夫已來接我矣媳不孝未得終養言訖而卒是婦節之足異者

羅節婦名金貞市南儒童漆楷之妻年二十三夫歿生子歲未及週家亦貧窘氏忍死守節上事老姑下撫孤穉悉憑紡績爲生涯後子獲成立慘以病故幸遺一孫與寡媳談氏集蓼茹荼保抱維持不畱餘力而婚教之苦較從前尤甚族鄰無不嘆其艱貞至六十四歲而卒彭節婦名銀貞郡庠生甘翀之妻翀有文行早歿家貧窘

彭矢志不二備嘗艱辛紡績養姑曲盡婦道撫遺孤教
育有方鄉里稱賢

武節婦一都左橋邑優增生劉青芝妻勤儉有素青燈佐
讀生三子夫以勤學致疾而卒氏年二十八家貧親老
日以紡織爲生鄉里咸稱節孝

王節婦名蘭貞四十五都三湖岡上張鎮奇之妻年二十
五夫故氏欲相從地下絕粒四日轉念有姑當事有子
當育乃忍死以盡孝慈四十餘年艱苦備歷二子得以
成立且叔伯三世同居獨力主持無不敬服其清操殆
有古烈女風

劉節婦名秋貞上坊陳肇坊之妻年二十歸陳夫死守節

高安縣志

卷之十九

閩範

五十六

遺腹生一子家貧甚紡績撫孤孤亡撫二孫不畱餘力
六十年來艱苦備嘗年八十有六

胡節婦名丁貞暇塘儒童周良慶之妻年二十二慶卒遺
腹六月矢志撫孤口瘡手拮四十餘年孝順翁姑內外
稱賢雖艱苦異常始終不易其操卒年六十有七

徐節婦詹事府正詹徐敬齋先生之女山西太原縣縣丞
吳學源之繼配也年十七適學源隨宦於太原分署結
褵半載學源解餉蘭州冒暑奔馳歸膺重疾而卒氏扶
襯歸里志凜冰霜年將七十家人有欲爲之請旌者氏
曰吳文端叱斬貴之婦汝輩獨不聞乎何敢重邀恩寵
也其端莊靜肅始終不踰如是年七十有餘而卒伯庶

常公學瀚憫其無嗣以次子邑庠生爲其後

朱節婦名足貞幼淑而慧年十六適翰塘單道芳爲妻芳以勤學致疾而卒氏年二十八止生一子冰操自勵望子成名晝令從塾師肄業晚於織紵燈下課讀今其子蜚聲黌序皆母教力也卒年六十有六郡伯佟公表以墓誌邑侯黃公顏其匾曰晝荻遺徽

涂節婦名良貞雷峯歲貢生正擴之女適富樓儒童幸守內爲妻年二十三夫亡一子方在襁褓氏矢志守貞上奉翁姑下撫孤釋生涯悉資十指其艱辛有名言所難罄者節操凜凜族里嘖嘖稱之年餘六十而卒

金節婦名樓貞年十七適藍坊藍正祚翁姑早逝獨操家政未幾夫喪遺二孤俱在襁褓氏年二十六冰操自矢母兼父道辛苦備嘗今其孤玉立孫亦挺秀皆氏之力也卒年六十有七

熊節婦名柿貞富樓儒童幸穎達妻也年二十夫歿遺腹生一子氏忍死撫孤與孀姑相依爲命未幾姑歿冰操更勵孝養重幃數十年如一日撫育孤子教讀婚配艱苦備嘗聞者無不爲之酸鼻

孫節婦名帶貞上十三都楓林文宗順妻年十七歸順越五年而順卒家貧無子翁老且病氏矢志靡他恂恂終養是能以婦道而盡子職者鄉鄰交口稱之

徐節婦名晃貞進士濟言之女副貢張良价長子師學之

妻年十六適張甫兩月夫亡無嗣氏矢志堅守終養翁姑而家益貧窘茹蘖飲冰惟勤紡績以度日年至六十而卒鄉族咸稱苦節

黃節婦名薔貞年十八適孫仁爲妻甫二載夫故家貧無措志矢柏舟孝事翁姑養生送死罔不盡禮悉憑紡績爲資復繼子承祧以延夫祀維持調護艱苦備嘗是真皓首完操者鄉里交口道之

簡節婦名毓貞年十六適龍城儒童敖燦炬爲妻越二年生一子甫四旬炬卒氏呼天搶地絕粒數日弔者慰之曰呱呱藐孤關係甚重胡勿效汝祖母亮節清搯撫孤成立以承宗祧自是勵志柏舟孝事孀姑嚴訓孤子三

高安縣志

卷之十九

閩範

五十八

世完節孫曹亦復不羣咸謂 詔旌有待

朱節婦名 貞二十八都幽嵐魯之元妻也年十六于歸越二年生一子甫半歲而夫歿誓不欲生以藐孤在抱乃忍死家徒四壁茹蘖飲冰一切婚教之需及朝夕饗殮之給皆縫紉紡績所爲其艱苦實有備嘗者現年七十有七鄉鄰僉以節勁松柏稱之

羅節婦名蕙貞二十三都朝議大夫羅廷棟女橋梓周大川之妻二十歲歸周生子甫半歲夫歿氏年二十有二家徒四壁矢志靡他上事下撫不畱餘力皆取給於十指經營端守闔範至于皓首不易是誠心安荼蓼節比松筠者鄉黨交口道之

謝節婦二十四都蔡文化之妻年二十五文化卒遺一子甫半載家貧如洗勤紡績奉翁姑雖饗殮不繼從無怨言至今族黨咸稱之

丁節婦名轉貞太學生丁燦長女郡庠生富樓幸日宣妻也夫弱冠入泮銳志苦讀尋疾篤氏敬侍湯藥衣不解帶者數年夫逝一子早夭一女甫六齡氏堅志冰霜誓死靡他代夫孝事耄姑二十年如一日承繼兩姪爲嗣諸孫繁衍亦足以見節孝之報

徐節婦名齋貞陵上黃自校之妻氏茹荼集蓼躬勤紡績助夫勤讀年二十二夫歿子甫二歲撫養爲之婚娶婦又早逝復撫孫教讀成名皆氏之力也鄉里咸以賢母

高安縣志

卷之十九

閩範

五十九

稱之

周節婦坡山朱寅臣之妻家計貧乏毫無怨言舉子一夫以沉疴不起輾轉床褥者二年氏服勞奉養不敢告瘁迨其卒也之死靡他念藐孤無着忍痛圖存甫長爲之營配方幸夫祀不殄未幾子天形單影隻至老無依慘孰甚焉邑侯聶旌以百世流芳匾額卒年七十有二朱節婦名錦貞二十八都遼江龔國蜡之妻年十六于歸十七歲生一子未一月而夫亡矢志守貞有勸其再醮者氏抱兒而泣曰吾舍藐孤而他適何以見夫於地下事姑最孝姑歿哭泣之哀喪葬皆如禮現年六十有五鄉鄰共稱其節孝

包節婦十一都樓下傅資材之妻年二十而寡性成金石志矢冰霜養姑教子悉憑紡績之力守節三十年至蓋棺無一疵議

謝節婦南城常士偉之妻年二十生一子夫亡氏矢志撫孤保抱維持不遺餘力旋慘孤歿無嗣延祀爰繼姪孫以爲後守節五十餘年艱辛備至現年七十有八

賈節婦名德貞十一都山畚儒童傅代煥之妻幼嫻姆教幽閑貞靜有古淑女風年十九歸傅越六年夫卒有子二尙在襁褓家徒壁立氏矢志靡他茹荼集蓼以女紅自給事翁姑備得歡心撫幼孤咸底成立其經營悉憑十指守節四十一年現年六十有六族隣無不憫憐且

高安縣志

卷之十九

閩範

六十

重嘉之

劉節婦名桂貞城北碧落巷姚紹先之妻年二十八夫故遺孤有三家徒壁立氏矢志苦守集蓼茹荼與藐孤相依爲命一切飲食之資婚配之計悉憑十指生涯聞者無不酸鼻卽今年踰七旬而機杼搯作未嘗釋手是境愈迫而節愈堅者族隣賢之

幸節婦名蘭貞徐定邦之妻年十九適徐生三子夫早逝家貧苦敬養翁姑親操井臼撫養幼子寡居四十餘載鄉鄰咸稱爲苦節現年七十有餘

簡節婦名眞祥下觀張一銳之妻年二十七夫死子年甫五齡氏堅守苦節凜若冰霜撫孤成立延師教讀立桂

園書屋以爲子孫肄業地乾隆辛巳縣主李時溥旌匾曰矢志靡他

節婦周氏文黼之女適二十三都西埗劉元仁爲妻年十八喪夫生一子未及週年亦夭有勸其嫁者氏曰孀姑苦節數十載如阿去姑必繼之以死是阿與姑固相依爲命者也於是矢志冰操事姑以孝人皆賢之

李節婦名貞柳岡周文祥妻也年十九歸文祥子甫六齡而文祥歿家計蕭然無伯叔兄弟可倚氏食貧茹苦紡績以養老姑撫幼兒終身無一疵議鄉黨莫不稱賢年八十八歲而終

謝節婦名燈貞西陽劉垂案之妻年十七歸劉夫以疾亡

高安縣志

卷之十九

閩範

六十一

生子甫二齡氏矢志柏操艱貞自勵上事舅姑下撫孤穉悉藉紡績爲資而祇若行其所無事里黨稱爲節孝信然

諶節婦名鳳貞五里貢生諶克功之女畚山監生賈嗣通之妻年二十六而寡孤甫半歲氏誓志守節事孀姑備得歡心姑歿喪葬皆如禮課子讀書嚴而有恩守節三十餘年現年六十三歲

鄭節婦北城叢桂坊職員幸守仁妻年十九而寡欲以身殉念祖姑在堂一子甫週歲矢志柏舟事親撫孤曲盡其道君子善之

劉節婦名啟秀十一都孔里鄒際探之妻年十六歸探越

三載探病氏服侍湯藥經年不爲瘁比探卒誓不改醮
事舅姑以孝訓孤子以嚴清操勁節數十年如一日里
族悉稱其賢

節孝何氏名桂貞監生胡之達妻夫卒二子尙幼青年矢志冰操自勵姑病刲股以嘗孝養甚摯紡績之餘挑燈課子長補郡增季入成均僉謂節孝之報邑侯黃公匾旌柏操垂範年七十三而卒

熊節婦十八都石街胡禮勇之妻年十八歸里勇越二載夫故無子誓不再醮遂請命舅姑繼姪爲嗣撫摩鞠育靡所勿周而機杼操作至老未嘗息瘁現年七十有八培植孫曾恩勤倍至其清操峻節族黨咸稱頌之

高安縣志

卷之十九

閩範

六十二

鍾節婦名鳳貞米峯陳文進之妻十六適進十八生一子甫彌月進病因囑氏曰吾家無斗筲仰事俯育唯汝是視氏領之進卒氏集蓼茹荼日夜勤紡績度活而高堂甘旨無缺膝下凍餒不形旣而翁姑告逝衣衾棺槨百計經營無不備具里黨賢之

况節婦名巧貞伍橋何南勉之妻十七生一子甫歲餘夫卒當屬纊時雙目不閉氏泣曰汝無以仰事俯育爲憂千觔重擔妾以一身荷之言訖而夫目瞑自是飲冰茹蘖數十年來節操凜凜養生送死之禮粗備兒女之婚嫁早完死者可生言猶在耳洵無負矣殆巾幗中之丈夫歟

傅節婦十五都湖東庠生王之珽妻年二十八夫亡哀慟絕粒死而復甦者數次因念上有老姑下有穉子欲成夫志徒死何爲乃矢志守貞奉姑以婦而盡子職教子以母而兼父道清操無玷咸稱羨焉

周貞女豐城邑庠生景勲所出許字世襲騎都尉朱詔爵次子錫禧隨父廣東和平都司任抱疾而歿貞女聞凶耗誓不二天及詔爵遷浙江楓嶺遊府挈眷之任道出豐城貞女稟請父母素服相隨抵家辛勤紡績敬事翁姑人無間言年三十七而卒與其夫合葬於迤城山以全其志

汪節婦米嶺塘源太學生彭永安之妻年二十五夫亡乏

高安縣志

卷之十九

閩範

六十三

嗣矢志柏舟繼姪爲後教讀婚配全憑紡績取貲而集蓼茹荼至老勿易有古淑媛風嘉慶二十二年題請建坊

袁節婦米嶺塘源儒童彭永齡之妻年二十四夫亡無子誓不二天撫姪爲嗣以延夫祀事翁姑備極孝敬本婦道而供子職終始勿替族黨嘖嘖稱之

黃節婦名漆貞二十四都斜橋熊惟窠之妻年十九歸熊遇姑歿遺叔甫三齡氏代爲撫養不辭勞瘁越二年已生一子甫三日夫故矢志靡他迨一子復殊惟與小叔相依爲命日夜勤紡績助翁婚教之資殆不愧媳兼子職嫂備母恩者現年六十有一繼姪以紹夫嗣族黨咸

以貞節孝慈籲請邑侯俞給匾節操松筠獎之

蕭節婦名月貞井塘幸嘉恒之妻年十九歸恒生一子恒歿氏年二十六歲誓不再天上事翁姑下保孤穉不遺餘力晚年子復病故忍死與孀媳共撫孤孫其艱貞尤爲倍至年介六十學博胡匾旌節孝流芳洵不愧也迄今壽躋七旬其媳何氏亦節守有終人以爲冰雪雙清云

黃節婦名交貞十都河頭盧允游之妻年十九歸盧二十六歲而寡夫死旬日始生一子氏誓不改醮堅志撫孤及長就塾恩嚴並用事舅姑尤克盡孝養終始如一里族僉稱其賢

高安縣志

卷之十九

閩範

六十四

蕭氏良貞南山儒童何詳緝妻况氏嫻貞儒童何詳納妻兄弟早喪兩氏冰操共勵守節撫孤上事翁姑孝敬備至數十年如一日至今鄉鄰競稱妯娌雙節

龔節婦名義貞南山何詳亮之妻年十九歸何二十六夫故甘貧守節誓不再天踰年翁卒喪葬悉以身任至孝養孀姑撫育孤子惟藉紡績以爲生涯是誠艱苦備嘗冰霜競潔者至今白首人無間言

何節婦名信貞龍山吳象元妻年十六適吳家貧甚親搯井臼竭力撐持踰年生一子越四歲而夫歿氏忍死治喪盡以所餘償夙負由是飲冰茹蘖刻勵撫孤門戶因賴以勿墜壽至七十八而卒

敖節婦名蘭貞年十九適鄒厚元爲妻二十四歲夫卒氏痛哭幾死以上有翁姑下有幼穉故強畱未幾一兒復殤有勸其再醮者氏厲聲曰生爲鄒婦死爲鄒鬼此言毋污吾耳松筠其節冰雪其心洵足以風巾幗云

熊節婦名昭貞蕭坊蕭必添之妻家貧以紡績佐讀年二十五夫歿氏矢志守節教子學幾成又亡肝腸慟裂荼蓼自甘事孀姑二十餘年孝養不倦族黨旣賢之還重憫之

陳節婦坡山朱笏臣次子國烈之妻適朱孝翁姑睦妯娌人無間言舉一子而夫歿氏時年二十矢志撫孤教養備至爲娶媳熊氏其後子亡與寡媳相依爲命飲冰茹

高安縣志

卷之十九

閩範

六十五

荼四十年如一日人曰潛德幽光姑其至矣媳亦步芳軌而勿違

黃節婦名快貞黃塘大岡下朱運敬之妻敬客楚身故氏年僅十九無出家甚貧一老姑在堂誓不他適勤女紅以奉養入繼族姪爲嗣四十餘載艱苦備嘗冰霜勁節人無間言

孟節婦名彩貞二十八都橋頭鄒懋璧之妻夫死氏年二十五一子甫離襁褓柏舟自矢事翁姑孝養有加待妯娌和順備至尤殷勤訓子紡績之餘挑燈課讀以數奇循例入成均婦兼子職母有父風鄉黨鄰里靡不嘖嘖稱頌

章節婦名寅貞中書陳規和之妻年二十夫歿無子撫姪遠猷爲嗣愛之不啻已出守節五十餘年貧窶不怨人謂有歐母遺風現年七十有三

黃孝婦張坊張元忍之妻事姑以敬相夫以禮教子以義姑病危氏晝夜禱祝祈以身代剜左股膳進病乃全愈享老年而終里黨咸稱孝婦

劉節婦古塘朱長之妻年二十歸朱越二年長商於外音問不通家如懸磬勤苦紡績奉養翁姑十餘年不倦後有傳聞長在外物故傷痛欲絕因念雖無子嗣翁姑在堂需人奉侍養生送死胥竭力焉迄今鄉黨咸稱其節孝

高安縣志

卷之十九

閩範

六十六

朱節婦名祥貞太學生士英之女龍山處士吳凌雲之妻年十七歸吳幼嫻女訓伉儷篤甚逾年生子二月卽歿其夫氏哀毀終喪勵志守節雖家極負苦而事奉翁姑每夙興夜寐未嘗少倦課子極其殷勤時囑其子曰汝父讀書未能成名不幸早世汝宜克自樹立以繼汝父之志亦可以少慰吾心矣族黨間咸欽之

熊節婦南城邑廩生徽之女年二十歸儒童徐成瓚家計蕭然以紡績佐奉甘旨越數載瓚歿姑老多病氏竭力孝養侍服湯藥至終不倦代姑撫子下恤孤釋各極其至雖貧苦從無怨言鄉黨咸稱其有清白家風云

劉節婦名盤貞珠湖孝廉傅鐸子予利之妻利有夙慧家

貧力學以辛勤致疾氏割股以進得稍痊越數年歿氏
柏舟自矢事姑教子各極其至鄉隣欲爲之請

旌表力拒之曰未亡人所以偷生者原期教子成夫夙志耳
豈要名哉聞者益敬重之

鄒節婦名雁貞清塘聶爲棠之妻本農家女知書曉大義
棠素慕儒術有教子志未遂而歿氏矢志靡他專以孝
姑教子爲務小學論語皆其口授課法綦嚴士君子咸
謂其有畫荻和丸風焉

梅節婦名桃貞文林郎朱焜妾也焜爲漢中西鄉令以病
劇亟欲告歸寓書招其子必塲以迓時必塲先期赴禮
闈氏曰家長遠出又無次丁以父召甯莫之應耶乃以

高安縣志

卷之十九

閩範

六十七

姆伴數千里達署奉侍湯藥未幾云殂氏哀禮盡致扶
襯而歸及必塲聞訃至則輓車已發矣氏烝烝守貞數
十年至七十五而卒此女之才而有節者

李節婦名止貞三都甘源鞠伯忠之妻年十九夫故遺子
半週翁姑年老氏矢志撫孤日事紡織爲養姑育子計
族黨賢之現年六十有七子孫蕃盛貞節之報正自不
爽也

鄧節婦四都南園陳洪本妻也夫亡遺二子長尙襁褓幼
遺腹生時居食兩懸無策其完節者氏拮据撫摩勤績
督課踰三十載而堂構新恒產裕幼子補入郡庠語兒
曰吾今可對爾父於地下矣後十年餘以幼子病亡賚

恨以終人嘆慕之

幸節婦艮山太學生熊鍾之妻年二十夫與舅姑俱逝氏抱孤子曰往墳墓號泣者三年後紡績勤餘補捐其夫太學子亦貢入成均邑侯二張一旌勁節流芳一旌柏節松齡現年七十有四鄉里嘖嘖稱之

姚節婦張坊張棗積之妻于歸未久夫卽殞世得一遺腹子曰抱啼泣子甫長氏口授四子書一字無訛及冠卽詩文詞賦胥教誨焉族黨共稱女師卒年五十有五冷節婦社山朱子諒妻年廿三夫亡子僅二齡矢志不二撫孤食貧娶媳王氏子旋天孫在襁褓姑媳艱苦相依爲命均享高年鄉里稱之其孫媳 氏亦效姑節孝云

高安縣志

卷之十九 閩範

六十八

晏節婦名賀貞南城上坊戴國楨之妻年十八歸戴孝事翁姑生子甫二歲夫亡在外備極拮据奔柩歸葬矢志柏舟撫孤成立迄今孫枝蕃衍洵節孝之報也

趙節婦名連貞南城上坊太學生陳世璆之妻事翁姑極孝待妯娌甚和生一子甫週歲夫亡氏悲痛不已矢志冰霜辛苦備嘗撫孤成人孫枝玉立戚族賢之

胡節婦名三貞十四都秋塘太學生黃昌省之妾柔順貞靜得生一子昌省旋天正室亦亡氏矢志節操上事姑嫜下撫孤兒飲冰茹蘖數十年如一日鄉黨稱羨之

幸節婦艮山熊明秋之妻年二十夫歿無子柏舟自矢撫姪爲嗣勤儉持家笑言不苟課子尤有和丸風子肄業

鳳儀書院聞於太守蔡公世恪匾以松筠勁節

聶節婦名李貞二十七都上港金祖豹之妻年二十而夫亡觸棺滴血誓以死從適當有身故忍痛全生冀延一脉越數月果舉一子勵志撫孤茹荼食蓼與老姑同深懷抱後孤比長督其崙心儒業資斧悉憑紡績而來可稱有節有才者至戚進士吳公知之甚悉曾以松柏盟心爲匾贈之

朱節婦名道貞堰溪梅漢盛之妻年二十六夫故家况蕭條一子在抱老姑在堂氏矢志靡他日夜勤紡績以作生涯卒能使姑不失養子獲成立計其節守艱辛備歷洵足爲巾幗偉人

高安縣志

卷之十九

閩範

六十九

陳節婦名鍾貞儒童何解言之妻年十八歸何生二子夫卒矢志靡他日爲鄰瀚衣炊食勤紡績以活其子艱苦愈甚節操彌嚴卒年六十有七

何節婦名閑貞井塘幸守接妻幼從父嶺書卽曉大義年十七歸接纔七年夫故痛不欲生終以姑老在堂孤子煢煢在疚忍死守節孝慈兼盡數十年如一日至卒人無間言

孫節婦名秀貞敖至儀妻年十八歸儀儀客楚平江縣之孤山洞慘遭盜殺匿其屍父奔控得盜立決乃歸儀骨氏痛悼幾絕時年方二十四決志守貞事翁姑以孝撫姪承祧紡績營生眞苦節也

朱節婦名好貞竹溪吳榮鐸之妻年二十四夫卒子甫四歲家貧守節勤苦自持事舅姑孝敬不怠撫遺孤教讀成名七旬時督學周匾旌之年八十有七諸孫同入巿序人以爲節孝之報云

黃節婦十一都畚山賈嗣瑞之妻年十七歸賈二十六歲夫故家極貧有憐憫其無子勸改醮氏曰內無期功強近之親若婦去如翁姑何爰繼姪爲嗣勵志女紅仰事俯育奈翁姑既逝嗣子亦夭族黨憐之

胡節婦太學生周烜之妻年十七以室女歸周成婚五載夫亡氏柏舟矢志視前子如己出日夜紡績爲子完配甫舉一孫其子又亡氏與寡媳茹蘖飲冰共撫孤孫以

高安縣志

卷之十九

閩範

七十

延夫祀迄今六十餘載人無間言

晏孝婦名孟貞三十一都施坊蕭士濟之妻乾隆壬申年姑病危篤幾絕割股救痊事聞縣主聶公元善匾旌孝行可嘉

陳節婦名荷貞孝廉陳洪元之女珠湖傅弼縉之妻年十九適傅孝事翁姑言笑不苟後五載夫歿堅節撫孤甘貧忍寡人謂仕宦之女所難年六十三而歿

傅節婦名能貞珠湖吏目傅遵業之女四都平湖曾安懋之妻年二十七夫歿堅志撫孤紡績教子有患其年少家貧諭以再醮者氏奮然曰此吾事也於人何與人服其志現年六十有五

幸節婦名踐貞蕭坊廟下蕭我俊之妻弱齡守節十指營生艱辛萬狀百折不回承繼一子爲嗣又天亡遇愈苦而操愈堅終無悔言

王節婦名蒲貞三十一都蕭坊廟下蕭家備之妻年十九夫喪遺腹生一子有憐其子幼而寡勸令他適王矢志恪守誓不再天姑熊氏亦寡居王奉侍維謹者三十餘年雖貧無立錐而紡績營生始終無一疵議里人稱之節孝曾氏坡山朱泰臣次子國庠之妻也幼卽知書能文適朱後挑燈佐讀冀夫上進孝養翁姑和睦妯娌姑以病幾不起刲股乃痊年二十五而夫歿矢志不二勵志教子備嘗荼蓼鄉里稱之其子以畫荻故得采芹現年

高安縣志

卷之十九

閩範

七十一

七十有二

鄭節婦衛千守仁之女朱之元次男綠藻妻也于歸後孝養翁姑相夫讀書舉子一年二十而早寡矢志柏舟爲孤完娶子且生孫飲冰茹蘖五十年如一日學憲胡公旌以匾

魏孝婦南昌宦常州太守女青浦令允安之妹適坡山舉人朱必坊將赴銓以老母不忍去魏曰揚名顯親孝之大者姑雖老問寢視膳妾可代也行矣勿慮後必坊選雲南定遠令道遠不能迎養母病劇百藥罔效魏刲股以饗服之立愈蓋至孝所感云

楊節婦名足貞十都城上黃應絲之妻年二十五夫歿家

貧甚子甫七齡氏矢志苦守上事翁姑下撫孤穉艱辛備歷而機杼操作至老藉爲生涯是真節勵松筠者卒年八十有五鄉隣無不悼嘆而褒美之

皮節婦名踐貞孝廉朱承恩妾性孤潔承恩勵志功名寄跡都門皮甘苦食貧朝夕紡績以奉承母無怠容比承卒於京凶耗至皮哀號辟踊誓不欲生旣而忍死事姑生養死葬悉如禮守貞數十年至六十七而終

鄒節婦陳仁智之妻年二十五仁智病劇臨歿語氏曰汝少無子當別適氏泣曰婦人從一而終禮也君有老母妾去誰養遂截髮爲盟苦節自勵養其姑以天年終清江楊勤愨公有傳

高安縣志

卷之十九

閩範

七十二

李節婦坡山朱必坊之妾也坊宦雲南爲定遠令在任娶江西旅寓者之女李氏年僅十五端莊靜一兼曉大義坊解組携歸家有正室事之如夫舉子一未幾夫抱沉痾氏割股以進卒罔效夫歿忍死撫孤苦訂婚配比長孤以家窘外出長年不返後竟杳不知其所之氏形單影隻食貧茹苦者三十年現年六十有一

鄒節婦名棠貞碧落巷歐陽友之妻生子二夫歿氏年二十一矢志不二事姑以孝撫孤以慈紡績縫紉飲冰茹蘖爲子授室閱四十餘年如一日年六十五而卒

熊節婦袁應瑞之妻生二子夫旋逝二子尙在襁褓氏時年二十一歲矢志撫孤飲冰茹蘖人無間言至八十而

卒江西學政張公錫以匾額有柏節松齡之旌其媳熊氏克盡婦道甫舉一子僅半齡夫亦歿氏年方二十步老姑之芳踪矢不二之貞節且能教子成名本郡太守陳公廉知其事亦旌以志希歐孟何其先後若一轍與黃節婦名 貞十五都笈塘陳際元之妻年十七歸陳越三載夫亡氏決志苦守事奉翁姑克敦孝道痛夫無後撫姪爲嗣現年六十玉潔冰清鄉黨重焉

朱節婦赤溪王宜遐之妻社山郡庠生子康之女年十七歸遐遐有夙恙氏勤勞日夜衣不解帶湯藥必嘗而後進越半載而遐逝氏誓以身殉奈翁姑老邁苦無服事因忍死食貧勤紡績以盡生養葬祭之禮孀居五十餘

高安縣志

卷之十九

閩範

七十三

年冰操凜凜雖至戚不能數見也繼嗣而教讀成名頗有和熊風鄉隣咸推重之

陳節婦名郁英荷山監生陳洪惠之女十一都溪頭儒童雷極汲之妻年十五歸雷越四年姑歿夫亦繼亡生子二氏矢志靡他以織紝營生事翁竭情盡禮課子嚴而有恩鄉黨咸推重之守節四十五年現年六十有四

胡節婦名通貞十七都象城簡興顥之妻年十九歸顥越五載而夫故氏剪髮爲盟守節撫孤不以貧苦繫念後家益窘迫子客千里日夜惟勤紡織以作生涯而霜操凜冽足跡所經至老不踰閩闕是真可風巾幗者享年八十而終

簡節婦名蘭貞上十二都前港鄧軫之妻年二十四夫歿子甫週歲痛夫不欲生憐子不忍死家存薄田四畝柏舟自矢惟憑十指度日至中年衣食粗足姪媳無嗣而寡見其有志守貞卽令同居共爨相依爲命以全其志是不惟成己之節併有以成人之節也鄉黨善之

胡孝婦名錦貞一都塘下劉發仲之妻及笄于歸親操井臼孝事老姑越數年而夫外出姑邁危疾百計調治罔效氏籲天默禱割股肉以進而姑病霍然且以壽終人鮮有知者後十餘年有女侍寢見其左股深疤亟致詢乃語以故傳之隣媪無不嘆奇至今鄉里僉稱爲孝婦

高安縣志

卷之十九

閩範

七十四

梁節婦名鶴貞四十四都周發元之妻年二十二歲夫故一子甫歲週氏忍死撫孤保抱維持艱辛備歷一切婚教之計全憑十指經營且能使孤名立行成以遂其志可謂有節而兼有才者以風巾幗良不愧云

黃節婦名蘭貞塘頭儒童傅代舉之妻年十八于歸挑燈佐讀越六載而夫歿膝下無嗣氏矢志苦守集蓼茹荼日以孝養翁姑爲事迄今冰清玉潔至老勿移族隣咸稱其節孝

黃節婦名香貞山畚儒童傅代對之妻年二十二夫與子相繼而亡遺腹僅生一女氏則之死靡他茹蘖飲冰以媳代子凡翁姑之生養死祭罔勿如禮復繼堂姪爲嗣

教讀婚配取貲盡出女紅隣里推其孝慈兼盡

曾節婦名常貞平湖邑庠生諱喻之女年二十歸珠湖傅經邦之次子雅秀甫四月雅秀以攻舉業得勩疾氏躬侍湯藥寢食不甯歲餘夫歿氏哀毀絕粒幾不欲生因腹有遺珠遂忍死越月生女號泣逾常姑以仰事俯育相勉乃毅然以清操自勵克盡孝慈後姑年老見逝女又及笄而亡氏矢志彌堅立兄公拔秀幼子嘉謀爲嗣現在諸孫環立延師課讀殷勤懇切人無間言

吳節婦十六都折棠山業儒黃大利之妻年十九孀居矢志柏操紡織教讀後子蜚聲庠序鄉隣咸稱爲苦節之報

高安縣志

卷之十九

閩範

七十五

吳節婦名露貞龍山人儒童熊遇際之妻年十七歸熊時姑暨姆病臥在床氏侍湯藥勿懈逾年姑姆先後歿氏以一身摒擋家務不以貧故稍累夫心年二十六夫亡氏矢志守貞勤儉教子人皆稱爲苦節云

周節婦名早貞學山涂天餘之妻年十八適涂生一子二十一歲夫歿氏矢志柏舟茹荼集蓼凡事上事翁姑下撫孤釋皆憑十指經營且能以慈代嚴本銖積寸累之口擇師教子底于成立其艱貞爲倍至也卒年六十有餘鄉里重之至今僉稱爲苦節

塗節婦南山何天縱之妻年二十于歸家計蕭然以紡績佐讀事翁姑以孝聞未幾縱以辛勤致疾氏默禱願以

身代踰年縱歿誓不欲獨生因子女年幼乃強留視息
撫孤成立族黨僉服其闔範可風

朱節婦名閑貞三十都良山熊瑚衍之妻于歸熊門僅生
一子越五載而夫歿氏矢志守貞常以冰霜自厲上事
下撫全憑紡績經營卒能使親不失養子獲成立族黨
皆津津道之謂可與松筠比節又何愧於青史之標云
吳節婦名遜貞十七都大塘國學生簡得之之妻年二十
五夫歿剪髮爲盟守節撫孤躬操井臼笑言不苟日夜
以紡績爲事延師曲盡其禮課子不減晝荻冰操凜凜
鄉黨咸稱女中君子誠無愧焉

烈女果英六都和坑張伯達之女幼慧異常許字田心羅

高安縣志

卷之十九

閩範

七十六

福生爲配年十七將婚而福生死女聞訃哀痛欲絕衰
麻詣夫家祭奠未幾母憐女幼欲別締女覺卽自縊家
人急救獲甦及夜潛赴水死一時聞者俱爲泣下

陳節婦名桂貞珠湖傅文橋之妻年十八于歸越四年夫
歿遺腹生一子氏矢志柏舟與孀姑相依爲命辛苦備
嘗俾藐孤成立而後已今子孫蕃衍人以爲貞節之報
云

朱節婦二十四都童生周良特之妻挑燈佐讀克盡婦道
年僅二十夫亡誓不欲生還念翁姑在堂無人奉養乃
忍死日夜紡績謀菽水承歡孝養備至翁姑相繼而歿
祭塋又悉如禮節孝之稱異口僉同現年六十有二

吳節婦名桂貞南城錦水彭倬之妻年十八歸彭事翁姑極孝相夫子以德越九年倬逝僅遺一子氏矢志柏操以母道而兼父道教讀倍至子貢成均享年七十有餘人以爲節孝之報云

晏節婦名梅貞十六都折棠山黃大聰之妻年二十二夫歿氏柏舟自矢上事下撫孝慈兼至且能勤紡佐翁教子成名僉謂守節之報正未有艾焉

鄭節婦赤土陳克庸之妻劍邑南頭巷鄭淑仁之女也歸陳敬順備至越九年而克庸遽逝遺孤在抱氏斷指自矢雖境處孤危冰霜之操不爲稍易曾居母家七載攜孤還陳教讀成名厥後享以高年子孫蕃衍宗黨至今

高安縣志

卷之十九

閩範

七十七

稱之

吳節婦名吉貞黃筠邑庠生吳光第之女適十三都夏方劉家義義力學致疾而歿氏年二十七事孀姑克盡孝敬撫二子課以義方紡績惟勤艱苦備嘗隣族欽其淑德內外無間言現年六十歲

朱節婦名早貞一都太學生劉發仁妻大學士朱文端公胞弟炯之女也及笄適劉雖出世族能守約自下琴瑟靜好生子二夫歿年廿二矢志靡他事姑孝撫孤慈縫紉紡績四十餘年如一日今子孫成立壽六十五而卒吳節婦名芹貞城南王文化妻年十九歸王姑已歿事翁孝生子三越九年夫疾服侍年餘罔懈夫亡矢志冰蘖

撫孤成立於今孫枝蕃衍識者卜其後必昌大云
聶節婦名懿貞十都小塘儒童傅光興之妻年十八于歸
井臼親操挑燈佐讀越九載而夫故氏柏舟自矢撫育
諸孤維持調護靡所勿周尤肫肫以教子爲念思竟夫
未竟之志凡所取資皆從十指而出其艱苦實爲備歷
者卒年八十有五

雷節婦名甯貞十都院背劉兆應之妻年十六歸劉舉子
三至廿六而夫殞氏觸棺幾死母黨苦慰之乃甦自是
矢志靡他躬勤紡織撫育孤兒必使成立而後已現年
六十有餘宗族僉嘉其苦節

傅節婦名顯貞五里謀守燕之妻自幼有志節及笄歸謀

高安縣志

卷之十九

閩範

七十八

甫四載而夫亡一子在抱室如懸磬有姑寡居每哭不
絕口慮無以爲孀媳計婦曰子亡媳豈俱亡萬不以境
地逼人妄生異志也自是紡績營生與寡姑相依爲命
巾幗雙節里人稱之

童節婦洪城幸琳之妻年十八歸琳琳嗜學未售而歿氏
矢志柏舟搯井臼勤紡績事翁姑以孝聞撫遺孤茹荼
飲蘖辛苦備嘗見有溺女者多方勸慰以養育自任今
子成名孫林立現年六十有二乾隆六十年奉

旌表建坊

土節婦名二貞江南亳州人也西陽劉崇簾之妻年十七
歸劉端莊柔順廿餘歲舉子二遽失所天氏哀痛慘怛

誓不欲生因念翁姑年老遺孤幼穉遂矢志柏舟茹荼飲冰現年六旬二子成立都人稱之

劉節婦名意貞十六都冷塘儒童盧運文之妻年十六適文生子國治年甫八齡夫歿一慟幾絕流淚過傷因而瞽目勵志撫孤遵例捐衛守備未幾國治亡遺媳胡氏銀貞孤僅三歲氏孝奉孀姑誓不二天子亦遵例捐職兩世節搯孫枝森秀人咸稱頌弗衰云

周節婦名禾貞暇堂貢生道西之女年十八歸珠湖傅子紹越七載而夫逝生子甫髫齡氏矢志冰潔事翁姑極孝艱苦備嘗從無怨言里黨稱之

程節婦名金貞一都下藍曾明臘之妻年十八歸曾生三

高安縣志

卷之十九

閩範

七十九

子氏年廿七夫歿矢志靡他家無長物日勤紡績備嘗艱苦有勸以再醮者輒力拒之現年七十有六諸子成立鄉里以爲苦節彌光云

劉節婦名勸貞琴山劉運昌之女荷山陳守敬之妻年十九適陳孝事翁姑隣里稱善後數年敬歿甘貧守志教子讀書逮子補入膠庠俾敬累世書香不絕人謂氏有力焉

黃節婦名年貞洲上延安之女年十八歸南門吳興謀爲妻事翁姑孝敬極至相夫子勤儉兼盡越九載夫歿誓守冰節家貧子夭撫孤女三日勤紡績現年六十有二里黨賢之

蕭節婦峽嶺朱之贊妻也自幼于歸十八舉子未幾夫歿氏撫棺慟絕誓不欲生而以孤需乳哺忍死未亡家計窘甚母子顛連無告非十指朝夕不給且拮据萬狀爲子授室徐亦抱孫夫嗣賴以不斬冰蘖苦操四十年里黨稱之人無間言

吳節婦名桂英五都南溪甘維報之妻年十八歸甘生一子甫四齡夫歿氏矢志撫孤保抱綦切稍長課以詩書每於紡績之餘令其背誦一日子外戲氏責之曰爾父業儒賚志爾懈怠如此尙安望耶憂悶不食累日其子感悟力學甫弱冠補邑庠生人謂有仲郢母風年八十五歿

高安縣志

卷之十九

閩範

八十

徐節婦孝廉公遷之女桐墅朱恩遐妻氏出望族本家學爲女德于歸後事翁姑以孝相夫以無違年二十五夫抱沉疴舉子一甫二十日而見背氏誓不欲生以藐孤故乃忍死家徒四壁艱苦備嘗五十餘年如一日迄今子孫蕃衍咸稱苦節之報云

章節婦名節英南城候選縣尉高守奇妻事翁姑以孝克盡婦道舉丈夫子厥後子媳亡僅遺一孫孤苦甚氏勤紡績訓孫成立歷艱辛三十餘載壽七十有三今孫貢成均曾孫蜚聲庠序元孫林立皆節孝之報也

陳節婦名琴貞五里諶克俄妻氏年十八歸俄越四載俄逝遺一子仃伶孤苦家徒壁立氏誓不二天艱辛備歷

孝事翁姑訓子成立迄今孫枝蕃衍多貢太學方興未艾食報信不爽歟

何節婦桂源儒童幸逢然之妻適幸數載生子一夫歿氏年二十三矢志柏搽敬舅奉姑以婦代子課兒娶媳以母代父冰雪之搽戚里從無間然

廖節婦名定貞二十三都龍崗職員丁述祖之妻氏年十八歸丁生子三夫疾日夜服侍多歷寒暑夫亡痛楚至死而復甦者數年柏舟自矢孝事翁姑撫孤成立長貢成均節孝獲報正未有艾云

龍節婦名牡貞適二十三都龍崗丁廷芳爲妻氏于歸歷年未久夫亡事翁姑以婦代子訓諸孤以母兼父矢志

高安縣志

卷之十九

閩範

八十一

冰蘖數十年如一日迄今子貢太學孫枝蕃衍貞節有足風焉

劉節婦名招貞一都杭橋鄭安良妻孝事翁姑克盡婦道生一子泰秀夫亡矢志不二撫孤成立爲之擇配高氏正貞越六載秀歿氏痛幾絕願效孀姑辛苦共嘗相依爲命數十年如一日里黨咸憫之

高節婦名叔貞一都杭橋鄭安清之妻年十七歸鄭事翁姑以孝相夫子以勤越十載夫逝氏矢志柏舟飲冰茹蘖久歷艱辛孤燈熒熒形影相弔節搽之堅人無間言傅節婦西陽劉繁昌妻年二十七歲夫亡繼姪爲嗣苦節勵行數十年如一日孝事翁姑延師課讀子入成均孫

領鄉薦享年七十四歲咸以爲節孝之報云

鄧節婦西陽劉祥善繼室年十七歸劉二十一歲夫亡撫

前室子如己子家雖貧以苦節自勵翁姑早喪事祖姑

有孝聲年五十四歲卒族黨至今猶稱其節孝云

以上吳志

黎節婦夏坊劉彥誠妻也事姑以孝謹聞年二十七而寡

一子甫二齡以養以教終於成立性仁慈識大義拯饑

恤貧德流遠近明成化間郡守聞於朝詔立石坊曰節

義厥後孫理顯仕於朝賢績懋著人以爲懿德所致云

補遺

陳節婦太學生况道南妻年二十四夫沒孝事翁姑勤撫

孤穉守節三十七年嘉慶八年故學使張扁以松筠同

高安縣志

卷之十九

閩範

八十二

貞現請 旌建坊

羅節婦鄧坊鄧日鼎妻年二十九夫亡遺三子仰事俯育

孝慈備至守節至嘉慶十年五十一歲終長子捐職幼

貢成均

况節婦四十六都盧一虎妻二十八歲守節上事下撫備

極艱辛嘉慶十五年八十三歲卒

孫節婦三十五都學山涂時對妻年二十九守節孝慈兼

盡紡績維勤嘉慶二十四年五十五歲卒

吳節婦二十五都桃五足妻年三十夫沒善事翁姑撫孤

成立嘉慶二十五年六十歲卒曾經學博詳請

旨旌表